

登
科
記
考

登科記考卷十二

大興徐松

唐德宗神武孝文皇帝

貞元元年

乙丑

正月丁酉朔大赦天下改元貞元

舊書本紀

四月十一日勅比來所習爾雅多是鳥獸草木之名無益理道自

今已後宜令習老子道德經以代爾雅其進士亦宜同大經略經

帖試

唐會要

五月二日勅自今已後明經習禮記及第者許冬集

唐會要

九月乙巳

唐大詔令集注云九月二十五日按舊書本紀乙巳後有庚申辛酉冊府元龜載此月有丁巳其非二十五日

登科記考

卷十二

明上御宣政殿策賢良方正能直言極諫等三科舉人

舊書本紀
冊府元

龜唐大詔令集注

云試官鮑防獨孤惻

策賢良方正能直言極諫科問皇帝若曰蓋聞上古至道之君垂拱無爲以臨海內不理而人化不勞而事成星辰軌道風雨時若邈乎其不可繼何施而臻此歟三代以來制作滋廣異文質之變明利害之鄉威之以刑道之以禮敦其俗而彌薄防其人而益媮豈澆淳必繫於時耶何聖賢間生而莫之振也朕祗膺累聖之業猥居兆人之上虔恭刻勵如恐失墜憂濟庶務夕惕晨興永惟前王之典謨是憲是則師大禹以崇儉法高宗以求賢興夏啟之征

作周文之罰旌孝悌舉直言養高年敦本業平均徭稅黜陟幽明
勵精孜孜勤亦至矣然而浮靡不革理化不行暴亂不懲奸犯不
息五教猶鬱七臣未臻鄉黨廢尚齒之儀蒸黎無安居之志賦入
日減而私室愈貧廉察日增而吏道愈濫意者朕不明歟勢不可
歟何古今之事同而得失之效異也思欲剷革前弊創立新規施
之於事而易從考之於文而有據備陳本末將舉而行無或憚煩
略於條對自頃陰陽舛候禔疹頻興仍歲旱蝗稼穡不稔上天作
孽必有由然屢降凶災其咎安在傳曰時之不乂厥罰常陽又曰
堯湯水旱數之常也二者乖反其誰云從今人靡蓋藏國無廩積

朕屢延卿士詢訪謨猷至乃減冗食之徒罷不急之務既聞嘉話亦已遵行而停廢之餘所費猶廣欲轉糧於江徼則遠不及期將搜粟於關中則擾而無獲節軍食則功臣懷怨省吏員則多士歸中心浩然罔知攸濟子大夫蘊蓄才器通明古今副我虛求森然就列匡朕之寡昧拯時之艱災畢志直書無有所隱

冊府元龜
文苑英華

華陸
宣公集

策博通墳典達於教化科問皇帝若曰朕承祖宗之鴻烈獲主神器任大守重懼不克堪思與賢士大夫共康理道虛襟以待創茲以求而羣議紛然所見異指戎旂不勝其多

依違以來七年於茲矣國制多缺朕甚惡焉今予大夫博習墳典
深明教化褒然充舉咸造於庭其極慮精心以喻朕之未寤仲尼
敘禮樂刪詩書修春秋廣易道六經之教所尙各殊豈學者修行
理當區別將聖人立意本異宗源施之於時孰爲先後考之於道
何者淺深差次等倫指明其義夫知本乃能通於變學古所以行
於今今之教人則異於是工祝陳禮樂之器而不知其情生徒誦
禮樂之文而不究其事欲人無惑其可得耶將革前非固有良術
堯舜率天下以義比屋可封桀紂率天下以暴比屋可戮然則上
之化下罔或不從而三仁四凶較然自異有教無類豈虛言哉作

樂移風聞諸昔典夫至雅必淡至音必希文侯列國之賢君猶曰
則惟恐寐矧彼流俗其能化乎將使天地同和災沴不作黎人不
變姦慝不萌何施何爲以致於此王者制理必因其時故忠敬質
文更變迭救三代之際固不由之自秦刻古法漢雜霸道紛綸干
祀至教不興國家接周隋之餘俗未淳一處都邑者利巧而無恥
服田畝者樸野而近愚尙文則彌長其澆風復質又莫救其鄙俗
立教之本將何所從自昔哲王惟以三正互用後之術士乃言五
運相生以漢應火行則周爲木德禮稱尙赤義例頗乖永言於茲
莫識厥理九流得失之論歷代興亡之由王鄭識禮之異同公穀

傳經之優劣必精必究用沃虛懷

文苑英華 唐大詔
令集 陸宣公集

策識洞韜略堪任將帥科問皇帝若曰朕退觀典謨詳求理道三代之際粲然可徵未嘗不文武並興農戰兼務故能居則足食動則足兵兵足則威食足則固威則暴亂息固則教化行理國之本實在於此秦漢以降王制不修選士廢射御之儀教人無蒐狩之禮卽戎者不知其稼穡力本者罕習於干戈於是異文武之人分農戰之道守則乏食征則鮮兵歷茲千年竟莫能復抑知之者蓋寡將行之者惟艱歟朕念之甚勤思繼前躅良以軍旅之士役戍靡寧勦庸旣多爵秩咸貴俾服田疇慮興怨咨仰給縣官不可勝

計由是版圖日減阡陌歲荒水旱小愆廩餉咸竭欲使軍人悅歸
於耒耜儒者咸達於韜鈴田萊盡耕攻取必勝誘人孔易其術安
施王者之師本於立德兵家之法方務出奇德以信成奇以詐勝
理有違反將何適從朱襄成列而敗軍見嘉魯策韓信決囊以摧
敵取貴漢朝然則喪國亡身豈霸王之道冒危乘險非仁誼之心
所宜討論以定褒貶夫眾寡不敵克必以謀樂生下齊孫子破楚
魏武之勝袁紹宋高之滅姚弋成敗之由備陳本末古人有言曰
誅伐不可偃於天下又曰善爲國者不師二端異焉其有深旨子
房序次兵法任宏論譔軍書指明異同詳錄名氏想聞商略擇善

而行 文苑英華 唐大詔
令集 陸宣公集

丁巳詔曰朕祇膺祖宗之業猥居億兆之上任大守重不敢康寧
永懷萬事之統懼有所闕夕惕若厲中夜以興求賢審官期於至
理而政化猶鬱太平未臻思得海內忠良竭誠規諫泊經術之士
才略之臣以明教化以立武事惟茲三者政之大經慮巖穴之間
尙多遺逸故科別條目廣延異能賢良方正能直言極諫章執誼
等達於理道甚用嘉之位以旌能宜升秩序其第三等人委中書
門下卽超資與處分第四等人卽優與處分第五等人卽與處分
嗟乎強學以待問進德以及時昔公孫宏猶聞十上失之正鵠必

反諸身凡爲多士宜各自勉

冊府元龜 唐大詔令集

十月甲子授賢良方正能直言極諫章執誼等一十八人官有差

冊府

元龜

十一月癸卯冬至大禮大赦天下制曰致理之本在乎審官審官
之由資乎選士將務選士之道必精養士之方魏晉已還澆風未
革國庠鄉校唯尙浮華選部禮闈不稽實行學非爲己官必徇人
法且非精弊將安救宜令百僚詳思所宜各修議狀送中書門下
參較得失擇善而行

舊書本紀 唐大詔令集

陸宣公集

進士三十三人

鄭全濟

狀元

魏信陵

唐才子傳 魏信陵貞元元年鄭全濟榜及第容齋五

筆麴信陵以貞元元年鮑防下

及第為四人以六年作望江令 羊士諤 唐才子傳羊士諤貞元

進士 陸灝 唐詩紀事源登貞 姚係 唐才子傳姚係河中 盧汀

昌黎集有酬司門盧四兄雲夫院長望秋作五 錢微 舊書本傳

百家注引集注云盧四名汀貞元元年進士 錢微 微字蔚章

父起微貞元初進士擢第 白居易和錢員外答盧員外早 崔

春獨遊曲江詩醉思詩侶有同年注雲夫蔚章同年及第 崔

從 舊書崔慎由傳父從貞元初進 崔頊 琪之父貞元初進士

士登第釋褐山南西道推官 登第見舊書崔琪傳

諸科二十一人

賢良方正能直言極諫科 韋執誼 見冊府元龜唐會要 舊書

幼聰俊有才進士 穆贇 文苑英華作穆贇注引登科記作贇第

擢第應制科高等 二人 舊書穆常傳穆質強直應制策

入第三等其所條對至今傳之 新書鮑防傳時比歲旱策問陰

陽殷珍質對漢故事免三公卜式請烹宏羊指當時輔政者右司

郎中獨孤恤欲下質防不許曰使上聞所未聞不亦善乎卒置高
第帝見策嘉指柳宗元祭穆質給事文六賢良發策始振其儀
天子動容敬我直辭職之冊府命以諫司太平廣記引異聞集
穆質初應舉試畢與楊憑數人會穆策云防賢甚於防姦楊曰公
不得矣今天子方禮賢豈有防賢甚於防姦穆曰果如此是矣遂
出謁鮮于弁弁待穆甚厚食未竟僕報云尊師來弁奔走具靴笏
遂命徹食及至一眇道士爾質怒弁相待之薄且來者是眇道士
不為禮安坐如故良久道士謂質曰豈非供奉官耶曰非也又問
莫曾上封事進書策求名否質曰見應制已過試道士口面色大
喜兼合官在清近是月十五日午後當知之矣策是第三等官是
左補闕故先奉白質辭去至十五日方過午聞扣門聲即甚厲遣
人應問曰五郎拜左補闕當時不先唱第三等便兼官一時拜耳
故有鄭利用見冊府元楊邵見冊府元裴復見冊府元
此報鄭利用龜唐會要楊邵龜唐會要裴復唐會要韓
愈河南少尹裴君墓誌銘云公諱復字柳公綽見冊府元龜唐
茂紹河東人又云公舉賢良拜同官尉柳公綽會要舊書本
傳字起之京兆華原人年十八應制舉歸登見冊府元龜唐會
登賢良正方直言極諫科貞元元年也

歸登
見冊府元龜唐會
要舊書歸崇敬

傳歸登貞元

初登賢良科

李直方

見冊府元龜唐會要

崔邠

見冊府元龜唐會要舊書本傳少舉進士又

登賢良

鄭敬

見冊府元龜唐會要

魏宏簡

見冊府元龜唐會要見建中元年以墓誌貞元二

方正科

十年辛年四十七推之是年二十八

沈迴

見冊府元龜唐會要

田元祐

見唐會要冊府元龜作元祿

徐袞

見冊府元龜唐會要

韋純

見新書鮑防傳

錢徽

見永樂大典引蘇州府志

麴信陵

見

樂大典引蘇州府志

博通墳典達於教化科

熊執易

見冊府元龜唐會要

劉簡甫

見冊府元龜唐會要

陸亘

舊書本傳亘字景山吳郡人應制舉授萬年縣丞永樂大典引蘇州府志博通墳典達於教化科陸亘及第

識洞韜略堪任將帥科

許贇

見冊府元龜唐會要

超絕科

見雲麓漫鈔

知貢舉

禮部侍郎鮑防

見唐語林 按防是年又爲考策官唐才子傳鮑防遷御史大夫貞元元年策

賢良方正得穆質柳公綽等皆位至台鼎世美其知人穆質鮑防碑詔徵賢良求其謹言時員仲兄不敢違詔實爲生利之宰臣病之與公並命考策者以爲異日故事言或有犯投之不疑焉公曰使上問所未聞聖朝之瑞也擢居甲第

穆質賢良方正能直言極諫策曰臣聞帝王之理殊塗而諫諍之道一致五諫之要同歸而直諫之用爲急今朝廷之不聞直聲久矣伏惟陛下採唐堯師錫之義降禹湯罪己之詞詳延直臣博求失政自近古已來憂勞思理未有如此其至者且何患乎不得爲堯舜而已若欲陛下之德於天比崇欲陛下之名與天無極斯乃天之意也臣之志也不然者臣當退從作者七人之八耳孰爲來

哉制策曰上古有道之君垂拱無爲以臨四海不理而人化不勞而事成星辰軌道風雨時若邈乎其不可繼何施而臻此歟三代以來制作滋廣異文質之變明利害之鄉威之以刑導之以禮敦其俗而彌薄防其人而益嬖豈澆淳必繫於時耶將聖賢問生而莫之振也臣聞三皇以道化五帝以德化故曰脩己以安百姓垂衣而化天下天何言哉帝何力哉無爲而已遂性而已至道既往至德寢衰而三代之主先之以禮義故有法度之制質文之變高其隄防崇其刑辟不臻大化汔可小康上古之君三代之主教化既異勞逸自殊則知禮之盛衰皆德所致效在德有優劣非時有

澆淳繼三代者其隆殺可知矣制策曰朕祇膺累聖之業猥居兆人之上虔恭刻厲如恐墜失憂濟庶務夕惕晨興臣聞舜禹日兢湯武日業皆前代帝王之所以爲理憂勤之至也臣竊聞陛下憂勞大道勤績庶務無大無小必躬必親靡不關心靡不經手勤亦至矣憂亦至矣然神太用則竭形太勞則弊古人云人生處代如白駒過隙耳何忽自苦如此又陛下一則罪己二則罪己若然者復何用宰相乎何用有司乎制策曰永惟前王之典謨是憲是則師大禹以崇儉法高祖以求賢興夏啟之征作周文之罰旌孝弟舉直言養高年敦本業均平徭賦黜陟幽明厲精孜孜勤亦至矣

然而浮靡不革理化不行暴亂不懲姦犯不息五教猶鬱七臣未臻鄉黨廢尙齒之儀蒸黎無安土之志賦入口減而私室愈貧廉察日增而吏道愈濫意者朕不明歟勢不可歟何古今之事同而得失之效異也思欲剗革前弊創立新規施之於事而易從考之於文而可據備陳本末將舉而行臣聞事不師古以克永世匪說攸聞陛下追惟前王之典謨是稽古之道也然陛下師古爲理也欲何爲乎爲皇乎爲帝乎爲王乎驅天下之人欲令歸忠耶歸敬耶歸文耶漢文帝以清淨爲宗近稱刑措漢宣帝以刑名律下亦謂中興自古以來未有不舉綱而目正不澄源而流清者矣此亦

陛下熟聞之矣是憲是則之宜更申明之使在下者有所趨也臣聞大禹稱三王首者以其卑宮室菲飲食裕人克己儉之至也其道湮沒不嗣久矣惟陛下獨能師而行之苟綸言之可復則天下之可化所謂其身正不令而行其身不正雖令不從者也臣聞自古求賢各以類至三皇師其臣五帝友其臣三王臣其臣取其師之禮黜位而朝之取其友之禮以身先焉取大臣之禮以皮幣先焉陛下欲爲皇則行事師之禮欲爲帝則行取友之禮欲爲王則行取大臣之禮自昔哲王則有感夢而行傳嚴惟肖則有協卜而出渭濱親載則有卑辭以厚禮湯命五返於處士則有可就不可

屈備獨三顧於草廬此皆陛下備聞之矣臣竊見國家取賢之道其禮部吏部失之遠矣則制策之舉最爲高科以臣言之不得無弊且陛下弓旌不出元纁深藏無聘問之先有投刺自媒者無輒輪之禮有躡屣而來者支離於京闕會計於有司又廣張節文妄設條格禁禦約束隣諸盜賊防賢之意甚於防姦崎嶇困辱曠日引久然則一覩天顏一承聖問臣恐皇王佐畧不可由此而致也今之所得者乃臣輩瑣瑣者耳彊名曰賢賢者固如是耶厚顏包羞臣竊自笑則高宗求賢之意似或不然此乃國家最弊之務伏惟陛下加思重而慎之陛下文可經天地武可定禍亂我武載張

則河壩亡命之寇既已指朝自滅我文載脩則淮潁逋逃之醜可
以不日自來道冠古今功格上下夏啟周發曾何足云陛下旌孝
弟而孝弟未能化人旌之未得其實也舉直言而直言未得上達
舉之不得其人也養高年則廢禮已久未有聞也敦本業則失農
者多鮮有勸者平均徭稅而怨嗟日生姦賊之吏未去也黜陟幽
明而善惡同賞考課之法未精也陛下師崇儉之遺訓則浮靡何
患不革前王之典謨必用則理化何患不行化行則暴亂懲奸犯
息然後禮義可恢五教自宣矣七臣者豈非孝經所謂天子有爭
臣七人乎今朝廷立官致位有以諫爲名者左右前後拾遺補闕

其數甚眾不止七人使陛下有未臻之嘆其過將有所歸矣以陛下養高年之禮著於上則鄉黨不廢尙齒之儀均徭役之法行於吏則蒸黎有安土之志安土則樂業樂業則務本務本則興農興農則家給家給則賦不減而人不貧矣吏道愈濫者吏之不精也臣竊見吏部課最者遺其實以資歷爲優試材者失其本以書判爲上加以檢驗滋章簡牘繁揉牘牒淹滯吏緣爲姦事壅於上權移於下胥役末品得擅官府所以財賄公行不殊市道量職求直價若平準然古則爲官擇人今則爲財擇官反古害今其弊如是又有通經之日試文之科不同歸於吏部選之至於此雖廉察日

增固不及也若剗革前弊明詔固當疾行創立新規微臣以爲不可且烈祖之憲章未改前王之法度粲然德慝如毛在克己而已何必改作然後成功因人之欲順天之時則易從行古之道得理之中則有據制策曰自頃陰陽舛候疫疹頻興仍歲旱蝗稼穡不稔上天作孽必有由然屢爲凶災其咎安在傳曰時之不久厥罰恆暘又曰堯湯水旱數之常也二者相反其誰云從今人靡蓋藏國無廩積朕屢延卿士詢訪謀猷至乃減冗食之徒罷不急之務既聞嘉話亦已遵行而停廢之餘所費猶廣欲轉輸於江徼則遠不及期將搜粟於關中則擾而無獲節軍食則功臣懷怨省吏員

則多士靡歸中心浩然罔知攸濟臣聞旱蝗者稽諸洪範爲言不
乂之罰也言之不乂令之不信也言者西方金也金失其性爲木
所傷木東方少陽占云陽勝所以爲旱陽旣亢極氣又鬱蒸則介
蟲爲孽螽蝗爲害臣見比年旱魃爲害已甚矣則洪範之徵亦明
矣無乃陛下詔令不信乎抑又聞軍旅之後必有凶年其握兵者
不本乎仁義貪於殘戮人用愁苦怨氣積下以傷陰陽之和也則
國家兵先於河北河北旱蝗隨之次及河南河南旱蝗亦隨後次
及關中關中又蝗旱旱旣仍歲蝗亦比年無乃陛下用兵者不詳
其道也臣謹稽古典參於歷代禳除異術祈禱多門至若貶食省

用稼穡圭璧求邪於幻術覲福於澤流土龍矯首於通衢羣巫分袖而鼓舞此又從人之欲也至若兩漢舊儀三公當免卜式著議宏羊可烹此又一時之事也然俱非救旱之本去災之道則有一郡一邑一宰一牧勤恤人隱精達神明或以身禳或以心禱蝗且去境旱不爲災牧宰之微尙或臻此況陛下尊爲天子德爲聖人神動而天從氣使而時變至誠所感何往不通臣伏見陛下去年八月二日所下德音避正殿而不居損常膳而不御議獄緩死掩骼埋胔詔文始書害氣將究詔書始下和氣自生故不旬朝之間亢渠殲殄兵革偃息甘雨薦降氛災自銷天之監人也明矣速矣

然則陛下之德有以動天天且不違況於鬼神乎若堯湯之災陰陽之數此則先儒之言略矣小臣不敢傳疑惟洪範之徵信也謹而言之陛下從而鑒之臣聞堯之水湯之旱而國無損瘠者蓄積多而備先具也今國家或時不雨一歲不登堯湯比之懸矣人至困竭國爲空虛者備之不早頃所以賦斂無極怨謫日盈權須詭求朝令夕具豈不以兵食乎今蒲同勞師旣還關輔生人纔息不急軍食不煩軍須則搜粟關中重擾未可轉輸江徼雖遠可期關兵食以廩儲雖積食猶慮費用者多則功臣何因而懷怨擇賢才以實官雖省員猶慮曠職者眾則多士何憂而靡歸臣聞方內之

理亂由君上之所執上有所執則下有所守臣竊觀國理似或不然無可久之圖無常備之制用無本末舉無條綱任運而行應急而化若虛舟之觸用濟江河如亂絲之棼望成綸綍所以遇運則福至遇厄則禍生遇歲惡則勞遇歲豐則逸坐迎天命不關人謀聖心浩然罔知攸濟者乃彝倫不敘之故制策曰子大夫蘊蓄才器通明古今副我虛求森然就列匡朕之寡昧拯時之艱災畢志直書無有所隱此乃陛下厚禮眾君子之意臣微曷足以當之若臣者生爲唐人馬牛之齒甫以壯矣道不得行身不得遂陋矣賤矣與螻蟻何異然詩書天人之際皇王經緯之道三墳六經九流

百氏前王沿革之要歷代興亡所由既嘗經之於心頗亦備之於
學雖未之究可略而言至若時政之損益任賢之得失刑辟之有
輕有重生人之或利或病臣又耳或有所妄聞身遠與寡莫爲之
先且無因至陛下言之爾皇天后土宗廟社稷實宜知臣之心每
用憤發惻款隱憂幅臆激於肝血藏於骨髓思有以一出之久矣
蒙陛下開天地之德降雷雨之施深詔執事旁延郡國俾有賢良
方正直言極諫之舉臣也幸苟有志人乃舉之此亦上天降祐皇
唐使陛下錫臣此便得有路索言之於上也若賢與良則臣豈敢
惟諫與直或有可觀言不直諫不極是微臣不忠之罪孤陛下虛

聽之德也至如忌諱挾誅誹謗附律脯醢淫戮鼎鑊濫刑此乃昏主暴君亾國之具亦陛下之所明知故臣不復有虞於聖朝耳是敢竭慮極愚指陳其切是耶納而行之非也容而宥之所謂言之無罪聞之者足以戒也謹對

文苑英華

二年

丙寅

六月十一日勅開元禮國家盛典列聖增修今則不列學科藏在書府使效官者昧於郊廟之儀治家者不達冠昏之義移風固本合正其源自今已後其諸色舉人中有能習開元禮者舉人同一經例選人不限選數許集但問大義一百條試策三道全通者超

資與官義通七十條策通二道已上者放及第已下不在放限其
有散試官能通者亦依正員官例處分其明經舉人有能習律一
部以代爾雅者如帖義俱通於本色減兩選令即日與官其明法
舉人有能兼習一經小帖義通者依明經例處分

冊府元龜
唐會要

進士二十七人

張正甫

狀元

第一人及第

永樂大典引

蘇州府志張正甫

南陽人曾祖大禮坊州刺史祖紹貞尚書右丞父泚蘇州司馬正甫登進士第

寶牟

唐才子傳寶牟字

正甫榜進士

韓愈寶牟墓誌銘公學問于江東尚幼也名聲詞

章行於京師人遲其至及公就進士且試其輩皆曰莫先寶生于

時公舅袁高為給事中方有重名愛且賢公然寶未嘗以干有司

一舉成名而東遇其黨必曰非我之才維吾舅之私五百家注引

程注牟京兆金城人

褚載言寶牟傳府君諱牟字貽周貞元二

年舉進士與從父弟故相贈司徒易直故相贈少師李公夷簡故

兵部侍郎張公賈故工部侍郎張公正甫同年

寶易直

見上因話錄

上第按長慶二年卒年七十四是年三十八歲
寶相易直幼時名祕家貧就業村學其教授叟有道術而人不知
一日近暮風雪暴至學童悉歸家不得而宿于漏屋之中寒爭附
火唯寶公寢於榻夜深方覺叟撫公令起曰寶祕君後為人臣貴
壽之極勉勵自愛也及德宗幸奉天日公方舉進士亦隨駕而西
乘一蹇驢至開遠門人稠路隘其屏將闕公懼勢不可進聞一人
叱驢兼捶其後得疾馳而出顧見一黑衣卒呼公曰秀才已後莫
忘閭情及升朝訪得其子提挈累至吏中榮達按舊
書本傳云易直舉明經為祕書省校書郎言明經似誤
見上舊書本傳字易之鄭惠王李俊
太平廣記引續元怪錄
元懿四世孫擢進士第中拔萃科
李俊
岳州刺史李俊舉進士
連不中第貞元二年有故人國子祭酒包信者通於主司援成之
榜前一日當以名聞執政初五更俊將候信里門未開立馬門側
旁有賣糕者其氣熾燼有一吏者外郡之郵檄者小囊橐而坐于
其側頗有欲糕之色俊為買而食之客甚喜嚼數片俄而里門開
眾競出客獨附俊馬曰願請問俊下聽之曰某乃冥之吏送進士
名者君非其徒耶俊曰然曰送堂之勝在此可自尋之因出視俊

無名垂泣曰苦心筆硯二十餘年儲計者亦十年今後無名豈終
無成乎曰君之成名在十年之外祿位甚盛今欲求之亦非難但
於本祿耗半且多屯剝纔獲一郡如何俊曰所求者名名得是矣
客曰能行少賂于某吏即於此取其同姓者易其名可乎俊問
何可曰陰錢三萬貫某感恩而以誠告其錢非某敢取將遺賸吏
來日午時送可也復授筆使俊自注從上有故太子少師李夷簡
名俊欲指之客遽曰不可此人祿重未易動也又其下有李溫名
客曰可矣乃指去溫字注俊字客遽卷而行曰無違約既而俊詣
信信未冠聞俊來怒出曰吾與主司分深一言狀頭可致公何躁
甚頻見問吾其輕語者耶俊再拜對曰俊想於名者若恩決此一
朝今當呈榜之晨冒責奉謁信唯唯色猶不平俊愈愛之乃變服
伺信出隨之經皇城東北隅逢春官懷其榜將赴中書信揖問曰
前言遂否春官曰誠知獲罪負刑不足以謝然迫于大權難副高
命信自以交分之深意謂無阻聞之怒曰季布所以名重天下者
能立然諾今君移妄于某蓋以某官閑也平生交契今日絕矣不
揖而行春官遽追之曰迫於豪權留之不得竊恃深願外于形骸
見責如此甯得罪於權右耳請同尋榜指名填之祭酒開榜見李
公夷簡欲指春官急曰此人宰相處分不可去指其下李溫曰可

矣遂指去溫字注俊字及榜出俊名果在已前所指處其日午時
隨眾參謝不及赴糕客之約迫暮將歸道逢客泣示之背曰為君
所誤得杖矣願吏將舉勘某更他所共止之某背實有重杖者俊
驚謝之且曰當如何客曰來日午時送五萬緡亦可無追勘之厄
俊曰諾及到時焚之遂不復見然後筮仕之後追勘貶降不絕于
道纔得岳州刺史未幾而終按是年即包佶放榜小說家言未足
盡據李稜太平廣記引續定命錄故殿中張賈呂溫韋夏卿碑言
侍御史李稜貞元二年擢第張賈開府辟士有禮部

員外郎清

張署

昌黎集有河南令張署墓誌銘君諱署河間人
大父利貞皇考諱郇使君方質有氣形貌魁碩

長於文詞以進士舉博學宏詞為校書郎五百家注
引樊曰君行十一父引補注署貞元二年進士第

齊據高陽

見柳宗元送嚴公貺序

劉闢

舊書本傳貞元中進士擢第宏詞
登科獨異志唐劉闢初登第詣

卜者蒭蘆生筮得一卦以定官祿蒭蘆生雙瞽卦成謂闢曰自此

二十年祿在西南不得善終闢留東素與之其後脫褐從韋令公

於西州官至御史大夫為行軍司馬既二十年韋病薨使闢入奏

請益東川詔未允闢乃微服單騎復詣蒭蘆生筮之揲箸成卦謂

關曰吾二十年前常與一人曾卜得无妄之隨今復得此卦非異
昔賢乎關即依阿唯諾蒟蘆生曰若審其人禍將至矣關不甚信
乃歸蜀果叛憲宗皇帝擒之戮于葦街按韋皋卒於永貞元年
逆數至貞元二年為二十年惟韋皋傳言順宗即位皋遣支度副
使劉闢於京師獨異志謂皋薨後聞
乃入奏非是且皋已死誰復使闢耶

諸科一人

韜晦奇才科

朱放

唐才子傳朱放字長通南陽人貞元二年詔舉韜晦奇才詔下聘禮拜左拾遺不就

知貢舉

禮部侍郎鮑防

國子祭酒包佶

舊書本傳正月丁未以禮部侍郎鮑防為

京兆尹國子祭酒包佶知禮部貢舉

穆員鮑防傳每歲貢士充

於王庭心為靈龜事絕請託京師仍歲蝗旱務殷人耗拜京兆尹

撫言貞元二年禮部侍郎鮑防帖經後改京兆刑部侍郎

永樂大典引嘉定鎮江志包幼正以國子祭酒知貢舉

三年

丁卯

進士三十三人

牛錫庶

狀元 撫言貞元二年牛錫庶謝登蕭

後爾來二紀矣國之耆老殆非俊造馳驚之所二子久屈場籍其
年計偕來主文頗以耕鑿爲急無何並馳人事因迴避朝客誤入
所第昕岸幘倚杖謂二子來謁命左右延接二子初未知誰也潛
訪于閣吏吏曰蕭尚書也因各以常行一軸而贊大家稱賞昕以
久無後進及門見之甚喜因留連竟日俄有一僕附耳昕盼二子
曠然既而上列繼至二子隱于屏後或曰二十四年載主文柄國
朝盛事所未曾有二子問之亦不意是昕猶慮數刻淹留失之善
地朝士既去二子辭昕而告之復許以高第竟如所諾 太平廣
記引逸士牛錫庶性靜退寡合累舉不第貞元元年因問日者曰
君明年合狀頭及第錫庶但望偶中一第爾殊不信也時已八月
未命主司偶至少保蕭昕宅前值昕杖策將獨游南園錫庶遇之
遽投刺并贊所業昕獨居方思賓友甚喜延與之語及省文卷再
三稱賞因問曰外間議者以何人當知舉錫庶對曰尚書至公爲
心必更出領一歲昕曰必不見命若爾君即狀頭也錫庶起拜謝
復坐未安忽聞馳馬傳呼曰尚書知舉昕遽起錫庶復再拜曰尚
書適已賜許皇天后土實聞斯言昕曰前言期矣明年果狀頭及

第

謝登

見上

趙修

因話錄趙修貞元三年進士及第當年制策登科唐語林以為貞元六年進士按修于四

年登制科則語林誤矣

裴瑾

柳宗元裴府君墓碣公諱瑾字封叔河東聞喜人由進士上第

按卽撰顯慶登科記序者
校書崇文館韓注貞元三年瑾中進士按瑾之後夫人宗元兄女

諸科五人

知貢舉

禮部尙書蕭昕

舊書本傳昕貞元初兼禮部尙書尋復知貢舉按舊書三年正月乙巳禮部

侍郎薛播卒蓋以播代

信播卒昕方知舉也

四年

戊辰

正月庚戌朔御丹鳳樓大赦制曰賢良方正直言極諫者高蹈不

仕隱居巖穴孝弟力田聞於鄉里所在長官具以名聞親當策試

冊府

元龜

是月勅應補宏文崇文學生員闕至少請補者多就中商量須有

先後伏請

按伏請上疑有奪文

准建中三年十一月勅先補皇總麻已上親

及次宰輔子孫仍於同類之內所用蔭先盡門地清華履歷要近

者其餘據官蔭高下類例處分

唐會要

四月

唐大詔令集作正月今從冊府元龜

策賢良方正能直言極諫科問皇帝若曰

朕聞王者統御寰宇司牧黎元一人之聰不足以周聽一人之目

不足以徧觀敷求賢良用輔聞見朕以寡德纂承丕緒託於人上

十載於茲雖多難僅甯而昇平未復永惟前古之理布在方冊憲

章典禮可得而詳考之則易遵行之則難至中夜忘寢莫知所以然子大夫學覽該通待問斯久歟襟應召朕甚嘉焉各啟爾心以祛予惑成王致理刑措不用孝文斷精斷獄四百太宗皇帝簡勺羣慝削平八隅囹圄空虛又踰前代一歲所決二十九人今者官署尙存法令明具封域之內可謂小康而黔首上僚尙資科禁循源究本其故何哉豈朕教之不明將或人之多僻佇數旨要當酌其宜文王建邦經制斯備周公立政禮樂增修然而朝命六卿揆分百度鄉閭有長林澤有官計以職員動以萬數農夫不充于緝伍編籍不給於虞衡以是制人義或安在永言師効良用爲疑唐

虞設規九載三考俾安其位將盡其能列授羣司寄之眾務一官
不理事有所察一吏非人官有所廢罰寧俟於終日賞不待於踰
時若官廢而後求人事廢而後變法政將口澆其道如何今欲濟
天下於太和致羣生於仁壽勸農務本何術爲先敦學崇儒何禮
爲切何方可以順風雨何典可以序神祇成湯遇災何七年而後
禱高祖伐叛何歷載而不寶辨於古者通於今鑒於事者明于理
備陳終始朕親覽焉

唐大詔
令集

進士三十一人

據言貞元中劉太真侍郎試曲江亭望慈恩寺杏
園花發詩按太真連放兩榜此未知何年姑載于

第一榜俟考

五百家韓注引孫注貞元四年侍郎劉太真知舉

放進士三十六人崔立之中第

按此年三十一人云三十六人

未知孰是或誤以
五年人數當之也

包誼

撫言包誼者江東人也有文辭初與計
偕到京師後時趁試不及宗人祭酒偕

憐之館于私第誼多遊佛寺無何唐突中書舍人劉太真覩其色
目即舉人也命一介致問誼勃然曰進士包誼素不相識何勞要
問太真甚銜之以至專訪其人於估估聞誼所為大怒而忌之因
詰責遺移他舍誼亦無怍色明年太真主文志在致其永棄故落
雜文俟終場明遣之既而自悔之曰此子既怍我從而報之是為
淺丈夫也必矣但能永廢其人何必在此於是放入策太真將放
榜先巡宅呈宰相榜中有姓朱人及宰相以朱批近大逆未欲以
此姓及第亟遣易之太真錯愕趨出不記他人唯記誼爾及誼謝
恩方悟己所惡也因明言乃知得喪非人力也蓋假手而已唐
語林包誼江浙人下第游漢南與劉太真相會辨難劉詞屈責其
不敬誼擲杯中其額後太真為禮部侍郎誼應舉太真覽其文卷
於包侍郎偕之家初甚驚嘆及視其名乃包誼也遂默然至出榜
宰相欲有去留面問太真換一名太真不能對忽記誼之姓名遽
言之遂中第按唐語林所載與撫言異故兩存之願況華亭
縣令延陵包公壁記云君辟秀才以文字自附隨難奉天重
圍暗解上撫其背而眷它亦以賓禮待之按包公疑即誼也崔

立之

唐詩紀事立之登貞元進士第

容齋續筆崔立之字斯立

壁記云種學績文以蓄其有悅涵演迤日大以肆其贈崔許事詩云崔侯文章苦捷敏高痕駕天輪不盡頃從關外來上都隨身卷聯車連軫朝為百賦猶鬱怒暮作千詩轉逍繁才豪氣猛易語言往往蛟螭雜螻蛄其寄崔二十六詩云西城員外承心跡兩嘯奇往歲戰詞賦不將勢力隨傲兀坐試席深叢見孤熊文如翻木成初不用意為四坐各低而不敢拭眼窺佳句喧眾口考官敢取疵連年收科第若摘領底髭其美之如是但記云貞元初挾其能戰藝于京師再進再屈於人而詩以為連年收科第何其自為異也于按杭本韓文作再屈于人蜀本作再進屈千人文苑亦然蓋他本誤以千字為于也又登科記立之以貞元三年第進士七年中宏詞科正與詩合按韓文考異于藍田縣丞廳壁記下云斯立貞元四年進士六年中博學宏詞又於寄崔二十六立之詩下云立之中貞元四年進士第知舉侍

鄭羣

韓愈鄭羣羣誌銘羣字宏之世為滎陽人以進

郎劉太真洪氏所引登科記誤士選吏部考功五百家注引樊氏曰貞元四年羣登進士第

李君何

見文苑英華

周宏亮

見文苑英

華 唐詩紀事宏 曹著 見文苑 陳翥 見文苑

亮登貞元進士第 英華 第六子貞元四年明經及第

明經科 林藹 明林俊見素文集藹字夢復披

諸科二十六人

賢良方正能直言極諫科 崔元翰 廣卓異記引登科記貞元四年

諫科頭登科 權得與崔君元翰集序年殆知命甫與計偕至京

師泊博學宏詞直言極諫凡三登甲科名動天下 按玉芝堂談

舊唐有四元崔延翰又為 裴次元 見冊府元 李彝 見冊府元

制科首延翰當為元翰 龜唐會要 李彝 龜唐會要

任華送李彝宰新都序宗室後進有以學術辭藻著稱者彝也

去年制舉不捷無何以書歷抵二相國論安邊術由是召試西掖

凡數十百人彝與莊 崔農 見冊府元 史牟 見冊府元 陸震

若訥高郢同入高等 龜唐會要 史牟 龜唐會要

見冊府元 柳公綽 見冊府元 龜唐會要 舊書本傳貞元四年

龜唐會要

復應制舉再登賢良方正科時年二十一

劉禹錫舉開州柳公綽自代狀
前件官以賢良方正再舉王庭
趙修見冊府元龜唐會要
徐宏毅見冊府元龜

龜唐會要
章彭壽見冊府元龜唐會要
鄒儒立見冊府元龜唐會要
王及見冊府元龜唐會要

杜倫見冊府元龜唐會要
時龜玉異時選部第書判明廷策賢良皆登甲科歷憲門
郎署而後元易見冊府元龜唐會要
王真見冊府元龜唐會要
按是

出分符竹
登科其策有云臣遠祖比干因諫而死天不
厭直更生微臣見黃滔蒲山遠巖寺碑銘序

清廉守節政術可稱堪任縣令科
李巽見唐會要冊府元龜
作李巽按舊書本傳及

權德輿作墓誌皆不言
異應制科則作異者是

孝弟力田聞於鄉閭科
張皓見冊府元龜唐會要

知貢舉
禮部侍郎劉太真唐語林貞元四年劉太真侍郎入貢院寄前上司肅听尚書詩曰獨坐貢

闌興秋心芳草生山公

昨夜事應見此時情

李君何曲江亭望慈恩寺杏園花發詩曰春晴凭水軒仙杏發南
園開蕊風初曉浮香景欲暄光華臨御陌色相對空門野雪遙添
淨山烟近借繁地閑分禁苑景勝類桃源況值新晴日芳枝度彩

鷺

文苑
英華

周宏亮曲江亭望慈恩寺杏園花發詩曰江亭閑望處遠近見秦
源古寺遲春景新花發杏園夢中輕葉密枝上素姿繁拂雨雲初
起含風雪欲翻容輝明十地香氣遍千門願莫隨桃李芳菲不爲

言

文苑
英華

曹著曲江亭望慈恩寺杏園花發詩曰清亭臨淨域憑望一開軒
晚日分初地東風發杏園異香飄九陌麗色映千門照灼瑤華散
歲蕤玉露繁未教遊妓折乍聽早鶯喧誰復爭桃李含芳自不言

文苑
英華

陳翥曲江亭望慈恩寺杏園花發詩曰曲池晴望好近接梵王家
十畝開金地千林發杏花映雲猶誤雪照日欲成霞紫陌傳香遠
紅泉落影斜園中春尚早亭上路非賒芳景堪遊處其如惜物華

文苑
英華

五年
己巳

二月勅特置三禮開元禮科舊書職官志按開元禮科置於二年至此年始有登科者見登科記職官志

四月詔曰明經舉人所習爾雅多是草木鳥獸之名無益理道宜

令習老子道德經以代爾雅其進士同大經例帖

冊府元龜

五月二

一作二十

日詔曰王者設教勸學攸先生徒肄業執禮爲本故

孔子曰不學禮無以立又曰安上理人莫善於禮然則禮者蓋務學之本立身之端居安之大猷致理之要道屬辭比事而不裁之以禮則亂疏通知遠而不節之以禮則誣實百行之本源爲五經之戶牖雖聖人設教罔不會通而學者遵行宜有先後自頃有司

定議計功記習不量教化淺深義理難易遂使修傳學者例從冬集習禮經者獨授散官敦本勸人頗乖指要姑務宏獎以廣儒風

自今以後明經習禮記及第者亦宜冬集如中經兼習周易若儀

禮者量減一選應諸色人中習三禮者前資及出身人依科目例

通典册府元龜作依科目選例吏部考試

白身人依貢舉例

通典册府元龜作依貢舉例禮部考試

每經

問大義三十條試策三道所試大義仍令主司於朝官學官中簡

擇精通經術三五人間奏主司與同試問質定通否義策全通爲

上等特加超獎大義每經通十五條

通典會要作二十五條

已上策通兩道

已上爲次等依資與官如先是員外試官者聽依正員例其習閒

元禮人問大義一百條試策三道全通者為上等大義通八十條

已上策通兩道已上為次等餘一切並准習三禮例處分其諸館

學士願習三禮及開元禮者並聽仍永為常式冊府元龜 唐會要 唐大詔令集

進士三十六人 盧頊狀元 楊巨源唐才子傳 楊巨源字景山 蒲中人 貞元五年劉太真下第

二人 崔簡柳宗元祭姊夫崔使君簡文 韓注崔簡貞元五年中進士第 又崔使君權厝志注云崔簡字子敬

馬逢唐才子傳 馬逢關中人 貞元五年盧頊榜進士 王叔雅許志雍故江南西道觀察判官 監察御史 襄行太原

王公墓誌銘公諱叔雅字元宏太原祁人郡舉進士纔及京師動

目屈指傾蓋結轍為禮部侍郎劉太真深見知遇再舉而登甲科

以元和四年卒年五十 嚴公弼柳宗元送嚴公貺下第歸興元觀省詩序子之伯仲皆脫略貴

五推之是年三十五歲 美服勤儒素退託于布衣韋帶之任如少習然故繼

登上科童宗說注云嚴公貺兄公弼貞元五年登第 張正元唐詩

紀事正元登貞 裴度 舊書裴度傳度字中立河東聞喜人貞元

元五年進士第 裴度 五年進士擢第 劇談錄唐中書令晉公

裴度微時寓洛中常乘蹇驢入皇城方上天津橋時淮西不庭

已數年矣有二老人倚橋柱而立語曰蔡州用兵日久徵發甚困

於人未知何時平定忽覩度驚愕而退有僕者攜書囊後行相去

稍遠聞老人云適憂蔡州未平須待此人為將既歸僕者具述其

事度曰見我龍鍾相戲耳其秋果領鄉薦明年及第泊秉鈞衡遂

平淮西入朝居廊廟大拜正司徒為侍中中書令泊留守洛師每

話天津橋老人之事 撫言裴晉公質狀眇小相不入賞既屢屈

名場頗亦自惑會有相者在洛中大為播紳所神公時造之問命

相者曰郎君形神稍異於人不入相書若不至貴即當餓死然今

則殊未見貴處可別日垂訪勿以粗糲相鄙候旬日為郎君細看

公然之凡數往矣無何阻朝客在彼因退游香山佛寺徘徊廟廡

之下忽有一素衣婦人致一緹綱於僧伽和尚欄楯之上祈祝良

久復取筭擲之叩頭瞻拜而去少頃度方見其所遺忘念致彼既

不可追然料其必再至因為收取躊躇至暮婦人竟不至度不得

已攜之歸所止詰旦復攜至彼時寺門始闢俄覩向者素衣疾趨

而至 撫膺愧歎若有非橫度從而訊之婦人曰新婦阿父無

罪被繫昨告人假得玉帶二犀帶一直千餘緡以遺津要不幸遺失于此今老父不測之禍無所逃矣度慙然復細詰其物色因而授之婦人拜泣請留其一度不顧而去尋詣相者相者審度顏色頗異大言曰此必有陰德及物此後前程萬里非某所知也再三詰之度偶以此言之相者曰祇此便是陰功矣他日無相忘勉旃勉旃度果位極人臣裴度劉太真神道碑銘貞元三年拜禮部侍郎天下賓王之士尚實遠名者竊相賀矣秉公心而排羣議履正道而杜私門以爲善善與能試言考藝若求虛譽獲小嫌是全身之計非取士之方也迺貶抑浮僞仍歲不回適值時棟變更朝柄奪移怒不在公而及于公矣遂因黨歸之口成是貝錦出爲信州刺史又曰門人之在朝廷者諫議大夫杜羔中書舍人裴度起居舍人盧士攻殿中侍御史李修光祿少卿盧長卿右司郎中韋乾度工部員外郎李君何在藩牧者浙東觀察都團練使御史中丞李遜黔中觀察經略使御史中丞李道古澤州刺史中丞盧頊嘉州刺史王良士復州刺史鄭羣沔州刺史嚴公弼慈州刺史劉元鼎其在幕府者侍御史田伯殿中侍御史盧瑋馬逢監察御史馮魯楊巨源其在畿者櫟陽令麻仲容藍田丞崔立之盤屋尉麴澹等咸懷賞鑒自悼遺闕按裴公統言兩榜無由別爲某年今

并載於下

以俟考

胡証

舊書本傳証字啟中河東人父瑱証貞元中繼登科

裴晉公度同年度尙狎遊為兩軍力人十許輩陵轢勢甚危窘度

潛遣一介求救于証証衣皂貂金帶突門而入諸力士脫之失色

証飲後到酒一舉三鍾不啻數升杯盤無餘憑逡巡主人上燈証

起取鐵燈臺摘去枝葉而合其跗橫置膝上謂眾人曰鄙夫請非

次改令凡三鍾引滿一遍三臺酒須盡仍不得有滴憑犯令者一

鐵騎訂復一舉三鍾次及一角觥者凡三臺三徧酒未能盡淋漓

逮至並座証舉躋將擊之羣慙皆起設拜叩頭乞命呼為神人証

曰鼠輩敢爾乞汝殘命叱之令去按昌黎有奉酬振武胡十二

丈夫大羅玠

羅玠

弱死後有闕宴前卒者謂之報羅按玠衡山人劉

禹錫送周魯儒詩序言玠升俊造仕杜羔

按世系表羔為襄陽杜氏兼為涇水杜氏非同族王泉子杜羔

妻劉氏善為詩羔累舉不中第乃歸將至家妻即先寄詩與之曰

寶平昌黎集有

良人的有奇才何事年年被放迴如今妾面羞君面君到來時近夜來羔見詩即時而去竟登第而返

送竊事序五百家注引孫注

曰平扶風平陵人貞元五年登第

方叔貞元

五年登第

盧士玫

李修

盧長卿

韋軋度

李遜

舊書本傳字友

道曾祖進德太子中允祖珍玉昌明令父震雅州別駕遜登進士第元稹李建墓誌銘曰與仲兄遜舉進士並世為公卿

李道古

舊書李舉傳子道古登進士第韓愈李道古墓誌銘公以進士舉及第五百家引補注道古貞元五年登第

王良士

劉元鼎

盧璠

馮魯

麻仲容

趙澹

張汾

乾牋子貞

元初邢君牙為隴右臨洮節度進士張汾往謁後二年及第按邢君牙拜節度在貞元三年則汾登第疑在此年

明經科

丁公著

舊書孝友傳丁公著字平子蘇州吳郡人祖衷父緒公著年十七父勉令就學年二十一五經

及第按公著卒於大和六年年六十四及第當在是年

諸科六人

玉海引登科記貞元五年始有開元禮一人

知貢舉

禮部侍郎劉太真

舊書本紀三月丙寅貶禮部侍郎劉太真爲信州刺史冊府元龜德宗

貞元五年禮部侍郎劉太真貶信州刺史太真性怯懦詭隨其掌貢舉宰臣姻族方鎮子弟先收擢之又常敘陳少遊勳績擬之桓文大招物議因有斯貶按魏遷墓誌銘云少履文字貞元初以鄉舉射策上省者五六以賄援兼無竟不登第然當時稱屈者眾矣是其時貢舉固未厭人望也楊巨源有懷德抒情寄上信州座主詩

六年

庚午

九月勅本置兩館學生皆選勳賢胄子蓋欲令其講藝紹習家風固非開此倖門墮素典教且令式之內具有條章考試之時理須精覈比聞此色倖冒頗深或假市門資或變易昭穆殊虧教化之本但長燒競之風未補者務取闕員已補者自然登第用廕既已

乖實試藝又皆假人誘進之方豈常如此自今已後所司宜據式

文考試定其升黜如有假代並准法處分

冊府元龜

進士二十九人

按柳宗元集有省試觀慶雲圖詩韓注以為公舉進士時所作考子厚舉進士于貞元五年則省試

自六年始七年以後題皆可考則觀慶雲圖為六年試題矣

唐欽

舊書文苑傳唐欽貞元六年登進士第

君墓誌君諱欽字嘉言北海人貞元初舉進士甲科

李君房

昌黎集有愛直贈李君房別一篇五百家注引集注云君

房張建封婿也

鄭權

舊書本傳榮陽開封人登進士第昌黎集有送鄭權尚書序五百家注引孫曰權

貞元六年進士
六年舉進士第

明經科 林著

明林俊見素文集著小名友直披第三子貞元六年明經及第

諸科五人

丁公著

公著以五經及第明年又通開元禮授集賢校書郎見孝友傳

博學宏辭科

崔立之

見韓文考異

知貢舉

禮部侍郎張濛

歐陽詹唐天文逆歲在辛未實貞元七年范陽張公濛為春官之三年蓋劉太

真貶後張濛代為禮部侍郎至七年為三年是六年為張濛知舉矣新書張說傳言濛事德宗為中書舍人不言為禮部侍郎按

濛張說之孫均之子

七年

辛未

十二月秘書監包佶奏開元刪定禮記月令為時令其音及義疏

並未刊正其開元禮所與月令相涉者請選通儒詳定從之

唐會要

進士三十人

試珠還合浦賦以不食為寶神物自還為韻青雲千呂詩見文苑英華

尹樞

狀元

黃門第一榜尹樞為狀頭先是杜公主文志在公選知與無預評品者第三場庭參之際公謂諸生曰主上誤聽薄劣俾為社稷求

棟梁諸學生皆一時英雋奈無人相救時入策五百餘人相顧而
已樞年七十餘獨趨而進曰未喻侍郎尊旨公曰未有榜帖對曰
樞不才公欣然延之從容因命卷簾授以紙筆樞援毫斯須而就
每札一人則抗聲斥其姓名自始至末列庭聞之咨嗟歎其公道
者一曰然後長跪授之唯空其元而已公覽讀致謝訖乃以狀元
為請樞曰狀元非老夫不可公大奇之因命筆親自札之盧綸
有送尹樞令狐楚及第後歸觀詩云佳人比香草君子即芳蘭寶
器金鼎重清音玉佩寒賁文齊受寵獻禮兩承歡鞍馬并汾地爭
迎陸陸復禮見文苑林藻承樂大典引莆陽志貞元以前莆
與潘英華林藻人未有登進士者七年林端公藻
始擢第太平廣記引閩川名士傳貞元七年杜黃裳知舉開尹
樞時名籍籍乃徵服訪之問場中名士樞唯黃裳乃具告曰某
即今年主司也受命久矣唯得一人其他不能盡知敢以為請樞
聳然謝曰既辱下問敢有所隱即言子弟有崔元略孤進有林藻
令狐楚數人黃裳大喜其年樞狀頭及弟試珠還合浦賦藻賦成
忽假寐夢人告曰何不敘珠來去之意既寤乃改數句及謝恩黃
裳謂藻曰敘珠來去如有神助能改齋漫錄引趙儉唐登科記
林藻第十一人按全閩詩話謂是年進士二十人林藻第十八

誤直齋書錄解題藻字緯乾按藻拔次子黃滔祭陳嶠文云俱擅乙中之二注謂林藻與嶠皆第十二人當以此為正令

狐楚唐才子傳令狐楚字殷士敦煌人也五歲能文章貞元七年尹樞榜進士及第舊書本傳祖崇亮父承簡楚兒童已學

屬文弱冠應進士貞元七年登第劉禹錫令狐公集序公名楚字殷士敦煌人今占數於長安右部天授神敏性能無師始學語

言乃協宮徵故五歲已為詩成章既冠參貢士果有名字時司空杜公以重德知貢舉擢居甲科王履貞見文苑英

華彭伉孫永樂大典引宜春志彭伉貞元七年登進士第伉九之唐詩紀事彭伉評事宜陽徵君之孫伉始以詩寄

妻曰莫訝相如獻捷遲錦書誰道淚沾衣不須化作山頭石待我東堂折桂枝及第後廉使于公辟入幕歲久未回妻張氏寄二絕

其一云久無音信到羅幃路遠迢迢遺問誰問君折得東堂桂折罷那能不暫歸其二云驛使今朝過五湖殷勤為我報狂夫從來

誇有龍泉劍試割相思得斷無李涉酬彭伉詩云公孫閣裏見君初衣錦南歸二十餘莫嘆屈聲猶未展同年今日在中書按同

年在中書謂蕭俛舊書本傳俛字思謙曾祖太師徐國公嵩祖令狐楚蕭俛華父恆俛貞元七年進士擢第又曰俛與皇

令狐楚蕭俛蕭俛華父恆俛貞元七年進士擢第又曰俛與皇

令狐楚蕭俛蕭俛華父恆俛貞元七年進士擢第又曰俛與皇

令狐楚蕭俛蕭俛華父恆俛貞元七年進士擢第又曰俛與皇

令狐楚蕭俛蕭俛華父恆俛貞元七年進士擢第又曰俛與皇

令狐楚蕭俛蕭俛華父恆俛貞元七年進士擢第又曰俛與皇

甫鍾及令狐楚同年登進士第 乾闥子唐貞元中蕭儼新及第

時國醫王彥伯住太平里與給事鄭雲逵比舍住儼患寒熱早詣

彥伯求診候誤入雲逵第會門人他適雲逵立于中門儼前趨曰

某前及第有期集之役忽患具說狀雲逵命僕人延坐為診其臂

曰據脉候是心家熱風雲逵姓鄭若覓 皇甫鍾 舊書本傳安定

國醫王彥伯東隣是也儼根然而去 皇甫鍾 朝那人祖鄰幾

汝州刺史父愉常州刺史鍾貞元初登進士第 房次卿 昌黎集

又令狐楚傳楚與黃甫鍾蕭儼同年登進士第 房次卿 有將歸

贈孟東野房蜀客詩五百家注引樊注曰諱行錄云房次卿字蜀

客登科記蜀客貞元七年登第房武墓誌志云男次卿有大才昌

黎祭房君文云五官蜀客孟郊 薛放 韓愈薛戎墓誌銘公弟集

集有祭房十五次卿少府篇 賢殿學士尚書刑部侍郎

放五百家注引樊氏曰放字達夫貞元七年 獨孤實 柳宗元送

登第按放河中寶鼎人戎之季弟舊書有傳 獨孤實 獨孤書記

序獨孤生與仲兄實連舉進士 寶楚 能改齋漫錄貞元七年進

韓注貞元之七年實舉進士 士為宰相者四人令狐楚

寶楚皇甫 鍾蕭儼

皇甫鍾及令狐楚同年登進士第

諸科二十二人

知貢舉

禮部侍郎杜黃裳

本傳不言黃裳以何官知舉廣卓異記云貞元七年禮部侍郎杜黃裳下

三十人及第今從之

尹樞珠還合浦賦曰驪龍之珠無脰而至駭浪浮彩長川再媚迴
夜光之錯落反明月之瑰異非經漢女之懷甯泣鮫人之淚狀微
既往莫究奚自偶良吏兮斯來遇貪夫兮則闕想夫旋返之儀圓
明可期輝如電轉粲若星馳光浦淑竄蛟螭映沙礫晃漣漪在暗
而投誠則悲路人未鑒沈泉而隱亦常表帝者無爲欣出處兮據
德幸浮沈兮中規是以特表殊姿潛懷有道中含逸彩上繫元造

醜當時之贊發應爲政之美好眞列郡之尤祥實重泉之至寶於是
是煥清瀨輝淺灣奔璀璨走爛斑豈能與石前卻隨流往還泛連
波之下盈一水之間而已哉茲川兮始明老蚌兮勿剖領畝兮罷
笑瓊瑰兮莫偶抱圓質而胥就揚眾彩而未久方載沈而載浮且
曷滌而曷不玉非寶泉戒貪實爲國之司南誠感神德繫物在爲
政之不拂愚是以頌其實而悅按字疑有誤其人美斯政而感斯珍想
沿洞於舊渚念涵泳於通津則知美政不遠嘉猷入神故中潛皎
晶下沈齋淪轉則無類磨而不磷誠丹泉之莫擬諒赤水之非珍
苟或疑此爲虛誕願徵之於水濱

文苑
英華

陸復禮珠還合浦賦曰珠行藏兮與道爲鄰政善惡兮感物生神
私以務貪必去土而匿耀光之崇儉則還浦而歸消我政無累匪
求而至宛若中流昭然明媚對三光而分色契一德而潛致盈虛
無朕不隨月魄以哉生往返有孚殊異奔星之出使徒見其表跡
罔知其奚自覩映水之新規謂沈泉之初棄爲人利也且一貫以
稱珍與眾共之雖十斛而不匱然知此珠之感唯政是隨當政至
而則至偶俗離而則離人而無道兮不去何以人而有得兮不復
何爲止舊浦而可採同暗投而在斯質若纍纍疑照綴於霄漢色
仍皎皎終炫耀乎漣漪且夫彼邦政悖我則爲不居之物彼邦政

閑我則能應道而還豈專巨蚌是剖實惟無脛而走將不貪以共

存非甚愛之能守浦之不吝任變化以往還珠之圓

疑當來辨政

理之奸不明可以久

拔疑有脫誤

處泥沙而有光知進退而不苟利用

溥博何必取之於龍領報德宏多美猶得之於虵口其來也所以

輔政其去也所以戒貪警循良之夕惕俾傲很以知慙勿以珠爲

蘊蓄勿以珠爲珍好且還浦而難期且離邦而難寶將守之而勿

失在閑邪以存道

文苑英華

令狐楚珠還合浦賦曰物之多兮珠爲珍通其貨而濟乎人纔披

沙以晶耀儀

疑當作俄

錯彩以璘玢避無厭之心去在他境歸克儉之

政還乎舊津繇是觀德孰云無神相彼南州昔無廉吏富期潤屋
貪以敗類孤漢主析珪之恩奪蒼梧易米之利濫源既啟眞質斯
闕從予舊而不暇按字疑有誤諒天畀兮有自孟君來止惠政潛施欲

不欲之欲爲無爲之爲不召其珠珠無脛而至不移其俗俗如影
之隨爾其狀也上掩星彩遙迷月規粲粲離離與波逶迤乍入潭
心時依浦口驚泉客之初泣疑馮夷之始剖依於仁里天亦何言
富彼貪天神之所不沙下兮泥問韜光而白閑映石華之皎皎雜
魚目之鰈鰈豈比黃帝之使罔象元珠乃得蘭生之詭秦主荆玉
斯還繇是發潤洲蘋增輝崖草水容益媚澤氣彌好川實効珍地

寧愛寶隱見諒合乎龍躍虧全非繫乎蚌老豈惟彰太守之深仁
可以表天子之至道觀夫采耀外澈英華內含飾君之履兮豈不
可照君之車兮豈不堪猶未遭於采拾尙見滯於江潭雖舊吏之
錄與前賢之談終思入掬以騰價永得書紳而厲貪於惟明時不
貴異物徒飾表者招累而握珍者難屈是珍也居下流而委棄歷
終歲而埋鬱望高鑒兮閤投幸餘波之洗拂

文苑
英華

林藻青雲干呂詩曰應節偏干呂亭亭在紫氛綴雲初度影捧日
已成文結蓋祥光迴爲樓翠色分還同起封上更似出橫汾作瑞

來藩國呈形表聖君徘徊如有託誰道比閒雲

文苑
英華

令狐楚青雲干呂詩曰郁郁復紛紛青霄干呂雲色令天下見候
向管中分遠覆無人境遙彰有德君瑞容驚不散冥感信稀聞堪
露羞依草南風恥帶薰恭惟漢武帝餘烈尙氛氲

文苑英華

王履貞青雲干呂詩曰異方占瑞氣干呂見青雲表聖興中國來

王見六

按字疑有誤

君迎祥殊大樂叶慶類橫扮白威明時起非因觸

石分映霄難辨色從吹作成文須使留千載垂芳在典墳

文苑英華

彭伉青雲干呂詩曰祥輝上千呂郁郁又紛紛遠示無爲化將明

至道君勢凝千里靜色向九霄分已見從龍意寧知觸石文狀煙

殊散漫捧日更氛氲自使來賓國西瞻仰瑞雲

文苑英華

南菁書院叢書

登科記考卷十三

大興徐松

唐德宗神武孝文皇帝

貞元八年

壬申

進士二十三人

試明水賦以元化無宰至精感通為韻見文苑英華御溝新柳詩見洪興祖韓子年譜

賈

稜狀

陳羽

唐才子傳陳羽江東人貞元八年禮部侍郎陸贄下

元

陳羽

第二人登科

按韓詩落葉一首送陳羽

陳羽有

酬幽居閑上人喜及第後見贈詩云九霄心在勞相問四十年間豈足驚風動自然雲山岫高僧不用笑浮生

歐陽詹

永樂大典載蒲陽志引登科記云歐陽詹貞元八年進士第

能

改齋漫錄歐陽詹第三人

唐語林闍白貞元以前未有進士觀

察使李錡始建辟序請獨孤常州及為新學記云綬胡之纓化為

青衿林藻弟蘊與歐陽詹觀之歎息相與結誓登科第

歐陽詹

有所恨詩序云子待試京師六年及第歸親故園又有及第後酬

故園親故詩云才非天授學非師以此成名曷豈期楊葉射頻因

登科記考

卷十三

一

偶中桂枝材美敢當之稱文作藝方慚德相賀投篇料愧詞循著
褐衣何足羨如君卽是載鳴時又與王式書子年二十有一公範
與羣公則可予以進士之目而有令子觀國之心子先與靈源道
士虹巖逸人有潘湖合鍊奉養之契乞從宿志勤勤懇懇獲與靈
源虹巖同居者三年公範與羣公雖不苦以前事相迫而流言時
至建中初因當道廉察故相國常公本州將故中書舍人薛公南
澗之談西湖之禮丹青目下程準前期公範與羣公激勵轉加予
亦稍信云云之勸時兄弟親屬方以眾情聞于大人大人與羣公
遂有龍首之會特詢可否至於再三羣公不悔前言以爲可固可
必人之於子皆欲其升高致遠至其秋大人則有遣從計吏之命
當發之日大人及慈親親祭行於東郊公範與羣公亦共餞神餘
於野席離觴既輟大人誠勗數言言可切骨銘心征車云動慈親
嗚咽數聲聲堪斷腸視魄公範與羣公備見聞也慰上下之望在
乎早成名早歸甯子必不惜伎能而有所絕墜以深上下之念汲
汲搖搖如旌如翹受遣之明年達於長安賃廡六秋禮闈四上頻
竭激昂之力累爲黜揚之棄反躬忖已徘徊又疑黃璞歐陽行
周傳歐陽詹字行周泉州晉江人弱冠能屬文天縱浩汗貞元八
年登進士第畢闕試薄游太原於樂籍中因有所悅情甚相得及

歸乃與之盟曰至都當相迎耳卽灑泣而別仍贈之詩尋除國子
四門助教往樂籍中者思之不已經年得疾且甚乃危粧引髻刃
而匣之顧謂女弟曰吾其死矣苟歐陽生使至可以是以爲信又遺
之詩絕筆而逝及詹使至女弟如言徑持歸京具白其事詹啟函
閱之又見其詩一慟而卒 韓愈歐陽詹哀詞貞元三年予始至
京師舉進士開詹名尤甚八年春遂與詹文詞同考試登第始相
識 李貽孫歐陽詹文集序歐陽君生於閩之里建中貞元時文
詞崛起遂大振耀會故相常袞來爲福之觀察使有文章高名又
性頗嗜誘進後生至之日比君爲芝英君之聲漸騰於江淮且達
於京師矣尋而陸相贊知貢舉搜羅天下文章得士之盛前無倫
比故君名在榜中常與君同道而相上下者有韓侍郎愈李校書
觀洎君並數占歲傑出人到於今伏之 按歐陽詹爲第三人甫
陽志作第二人誤 困學紀聞歐陽生哀詞閩人舉進士繇詹始
史因之黃璞閩川名士傳其前有薛令之林藻考之登科記信然
李博 韓譜又引姚康科第錄云李博實本年末名科名記錄於
第四非也 韓愈徐泗濠三州節度掌書記廳石記云掌
書記者三人其一人隴西李博自前
鄉貢進士授秘書省校書郎爲之

李觀 李觀帖經日上侍郎
書鄉貢進士李觀長

跪薦書侍郎座右昨者奉試明水賦新柳詩平生也實非甚尙是日也頗亦極思侍郎果不以嫌奪妍不以瑕廢瑜獲邀福於一時小子不虛也而以帖經爲本求以過差去留觀去冬十首之文不謀於侍郎矣豈一賦一詩足云乎哉十首之文去冬之所獻也有安邊書漢高祖斬白蛇劍贊報弟書邠甯慶三州嬰軍記謁文宣王廟文文大夫種碑項籍碑請修太學書弔韓弁沒胡中文等作上不罔古下不附今直以意到爲辭辭訖成章中最逐情者有報弟書一篇不知侍郎常覽之耶觀嘗竊覽侍郎頃年詩一篇有才者許以不一端文者許以所長則雖班固司馬遷相如未聞若話言是侍郎雅評掩于三賢矣故觀今日以所到之文謀于侍郎不以帖經疑侍郎也李觀與張宇侍御書觀年十有八再忝鄉薦身未入洛家猶寄吳又報弟兌書六年春我不利小宗伯以初哲心不徒還乃於京師窮居讀書著文無闕日時是年冬復不利見小宗伯乃以其明年司分之月乘罷驢出長安會候人舉燧謂戎來遂夜馳歸長安窮處蕭條猶利又上賈僕射書觀江東一布衣耳客游長安五年以文藝求容又上陸相公書不肖之身出自大賢門下其爲幸也不敢忘也按新舊觀李華從子孟郊有贈李觀詩注云觀初登第韓愈李元賓慕誌銘李觀字元賓其先

隴西人也始來自江之東年二十四舉進士三年登上第又舉博學宏詞又瘞硯文云隴西李元賓始從進士貢在京師或貽之硯四年悲歎否泰未嘗廢用凡與之試藝春官實二年登上第 撫言始春官氏擢廣文生者名第無高下貞元八年歐陽詹居第三人李觀 馮宿 王起馮宿神道碑銘年二十六舉進士是時明有第五人 馮宿 司卽兵部侍郎陸公贊其人也又應宏詞科試百步穿楊葉賦雖爲勢奪而其文至今諷之後生以爲楷 昌黎有與馮宿書與馮宿論文書五百家注引孫注宿字拱之婺州東陽人 王涯 舊書本傳王涯字廣津太原人貞元八年進士擢第登

策連 張季友 韓愈張君墓誌銘尙書虞部員外郎安定張君諱中 季友字孝權與余同年進士又祭虞部張員外文

往在貞元俱從賓薦司我明試 齊孝若 令狐楚薦齊孝若書竊時維邦彥各以文售幸皆少年 齊孝若 見前進士高陽齊孝若

字考叔年二十四學必專授文皆雅正又曰孝 劉遵古 許季若相門子弟射策甲科崔顯亦有薦齊秀才文 同新書許孟容傳弟季同遷兵部郎中孟容爲禮部侍郎徙季同京兆少尹時京兆尹元義方出爲鄜坊觀察使奏劾宰相李絳

與季同舉進士爲同年才數月輒徙帝以問絳絳曰進士明經歲大抵百人吏部得官至千人私謂爲同年木非親與舊也今季同以兄嫌徙少尹豈臣所助耶且忠臣事君不以私害公設有才雖親舊亦當白用避嫌不用乃臣下身謀非天子用人意帝然之

侯繼

昌黎送侯參謀赴河中幕詩憶昔初及第各以少

穆贊

穆贊卽穆質已於貞元元年登賢良方正第授左補闕豈有復舉

進士之事至穆贊亦於大厯五年父甯爲和州刺史時已釋褐爲

濟源主簿穆員又於貞元九年及第則

韓愈

舊書本傳大厯貞元之閒獨孤及梁

肅最稱淵奧儒林推重愈從其徒遊銳意鑽仰欲自振於一代洎

舉進士投文於公卿閒故相鄭餘慶頗爲之延譽由是知名于時

尋登進士第唐才子傳韓愈字退之南陽人貞元八年擢第

昌黎上宰相書四舉於禮部乃一得又答崔立之書及來京師見

有舉進士者人多貴之僕誠樂之就求其術或出禮部所試賦詩

策等以相示僕以爲可無學而能因詣州縣求舉有司者好惡出

於其心四舉而後有成李翱韓退之行狀年二十五上進士第

按昌黎上邢君牙書云二十五年而擢第又北極一首贈李觀云

我年二十五求友昧其人

哀歌西京市乃與夫子親

李絳 讀書志李絳贊皇人貞元八年

序公諱絳字深之趙郡人在貢士中傑然有奇表既登太常第又

以試賦升甲科 撫言貞元中李元賓韓愈李絳崔羣同年進士

先是四君子定交久矣其遊梁補闕之門居三歲肅未之面而四

賢造肅多矣靡不偕行肅異之一日延接觀等俱以文學為肅所

稱復獎以交遊之道然肅素有人倫之鑒觀愈等既去復止絳羣

曰公等文行相契他日皆振大名然二君子位極人臣勉旃勉旃

後二賢果如所卜 嘉話錄李丞相絳先人為襄州督部方赴舉

求鄉薦時樊司空澤為節度使張常侍正甫為判官主鄉薦張公

知絳有前途啟司空曰舉人中悉不如李秀才請只送一人諸人

之資悉以奉之欣然允諾又薦絳弟為同舍郎絳感澤殊常之恩

不十年 溫商 庚承宣 新書歐陽詹傳詹與韓愈李觀李絳崔

登庸 羣王涯馮宿庾承宣聯第皆天下選時

稱龍 員結 胡諒 崔羣 舊書本傳羣字敦詩清河武城人十

虎榜 陸贄知舉訪于梁肅議其登第有才行者肅曰崔羣雖少年他日

必至公輔果如其言以太和六年年六十一推之是年二十一傳

言年十九者誤 摭言崔羣貞元八年陸贄下及第與韓愈爲友

柳宗元送崔羣序崔君以文學登於儀朝韓注貞元八年羣試

禮部中 邢冊 按昌黎集同年祭張季友文五百家注引舊本作

其科 維元和十年月日中書舍人王涯考功郎中知制

誥韓愈禮部侍郎崔羣京兆尹許季同考功員外 裴光輔 萬

郎庚承宣河中節度判官殿中侍御史邢冊等

璫 以上全榜見洪興祖 韓子年譜引科名記

明經科 周匡業 歐陽詹送周孝廉擢第歸覲序云始未與周相

英如穎如若金在沙若松在林常奇之曰誰家千里駒可羨也豈

權衡藻鏡而遺於是耶今春獻藝果登孝廉上第予以片言隻字

進亦同年成名既昔情所佳又今跡斯叶或因有覲獨與之語宮

商起於朱紱藟桂在乎太牢冷然可聽芬乎可嘗已比鄰說之玉

思懷陸續之橘夏五月自京而東賃陋居迴軒見別子則不敏輒

奉以言會稽之竹既鐵矣宜羽之荆山之璞既球矣宜礪之雖休

勿休古有光大晨昏之暇勿忘則疊札之望可酬連城之價可取

勉哉有如君村蓋不易得 按永樂大典引清潭志周匡業明經

科及第則周孝廉是匡業也匡業即匡物之兄

林薦

明林俊見素文集薦披第四子貞元十二年侍郎陸贄下明經及第

按陸贄知貢舉在是年言十二年誤

諸科八人

張口

韓愈贈張童子序云愈與童子俱陸公之門人也考異云童子以貞元八年升於禮部

博學宏詞科

試中和節詔賜公卿尺詩見玉海按文苑英華有鈞天樂賦以上天無聲昭錫有道為韻裴度陸復禮李

觀皆有賦為宏

陸復禮

李觀

裴度

唐詩紀事是歲陸復禮第一李觀裴度次之

詞試題無疑

明張燧千百年眼云裴晉公度在裴垳下第四人及第按晉公於劉太真下第進士此云及第者蓋登宏詞科也舊書裴垳傳轉殿中侍御史尚書禮部考功二員外郎時吏部侍郎鄭珣瑜請垳考詞判垳守正不受請託考覈皆務才實是此年宏詞考官為裴垳矣惟文苑英華只載三人而晉公為第四未知闕者何人

知貢舉

兵部侍郎陸贄

唐會要貞元七年兵部侍郎陸贄權知貢舉時崔元翰梁肅文藝冠時贄輸心

於肅肅與元翰推薦藝實之士升第之日雖衆望不愜然一歲選士纔十四五數年之內居臺省清近者十餘人 撫言陸忠州榜時梁補闕肅王郎中礎佐之肅薦八人俱捷餘皆共成之故忠州之得人皆烜赫事見韓文公與陸修員外書 舊書吳通元傳通元與陸贊爭寵會贊權兵部侍郎知貢舉乃正拜之罷內職皆通元請之也陸贊與宰相竇參相惡參從子申嗣號王則之從父甥也潛結吳通元兄弟爲參共傾陸贊則之令人造謗書言贊考試舉人不實招納賄賂德宗知之罷參知政事尋貶柳州司馬申錦州司戶李則之昭州司馬通元泉州司馬 順宗實錄陸贊真拜兵部侍郎知禮部貢舉於進士中得人爲多八年春遷中書侍郎平章事 丁居晦重修承旨學士壁記云陸贊貞元三年丁憂六年遷兵部侍郎又加知制誥七年出守本官

賈稜明水賦曰祭祀上潔精誠克宣伊明水之爲用諒至誠以爲先積陰以成符嘉應於其數以鑑而取感無私於上元將假以表敬式彰乎告虔皎皎泛月灩灩降天旣稟氣在陰亦成形於夜有

無雖繫於恍惚融結甯隨於冬夏明者誠也我則暗然而彰水惟
信焉吾非倏爾而化徒觀其清霄霧斂朗月輪孤鑒清瑩而類鏡
水滴瀝而疑珠混金波而其潔迷玉露而全無感而遂通配陽燧
之爲火融而不涸異寒水之在壺彼旣無情此何有待始同方而
合體甯望遠而功倍故能佐因心於霜露均潤下於江海有形有
實徒加以強名無臭無聲孰知其真宰是以昭其儉潔其意含水
月之清粹脩柔盛於豐備作元酒而禮崇登清廟之誠貴噉潢汙
之野薦陋甘醴之莫致祀事孔明其儀旣精無朕而有不爲而成
二氣相臨本自蟾蜍之魄三危莫比殊非沆瀣之英至道自元而

兆醴泉因地而生原夫月麗於天水習乎坎物有時而出故方諸而夜呈事有朕而因故陰靈而下感大滿若冲其來不窮風塵莫染其眞質天地不隔其幽通況國家崇儀祐祀薦敬旻穹方欲行古道稽瀄風客有賦明水之事敢聞之於閔宮

文苑
英華

陳羽明水賦曰彼美明水含精自天孤影流輝乃凝空作潤萬靈來享故爲酒稱元所以貴新滌慮殷薦告虔水本涵清表至深之心著明以比德惟馨香之義全想夫含氣遙空成形永夜出陰鑒則凝清自美對明燭則搖光相借至誠所感同就溼而流大饗是資若待神而化斯可謂至精無朕明誠有孚泛清月而乍融乍結

洗輕烟而若有若無潤而鮮見湛露之濡金鏡晶兮潔類清水之
在玉壺至若高天委秋皎月分彩氤氲既合精粹斯在方昭德以
降神異趨下而歸海是知嚴而敬者其德大潔而祀者其福倍繁
景命之不渝豈成功之不宰原夫明水之初化也天子齋心司烜
藏事望靈月露炎燧皎晶浮光清冷在器自無而有知靈化之不
測應感而來知神物之斯至其或崇國祀設方明備禮樂潔粢盛
用陶匏之器薦蘭栗之牲秩神祇而配坐望天地之含精匪明水
而神不降無明水則祀不誠是以明處作離水居爲坎諒明水之
潛化本陰陽之所感其名也合五行之德其用也冠三酒之功泊

爾味淡凝然色融至馨無臭至潔含光則是水也與靈物幽通苑

英華

歐陽詹明水賦曰智之不測有明水焉方諸在手圓月居天象質
遐分則迢遙而迴遠精華潛合遂滴瀝以流連可謂妙自斯妙元
之又元茲道也自何而來彼靈也從何而借越杳杳之蒼昊滋遙
遙之永夜望蟾魄而光彩殊流端蛤形而清冷忽下等陽燧之通
感質柔祇之閎化豈非月包陰德蛤乃陰餘英精合契氣類相符
共稟坤而配坎諒交津以有濡是理焉自取之乎必有斯水也遂
生之於本無精潔可嘉清明斯在湛玉露以無垢入犧罇而有待

處爵實爵今則由於邕人置下升堂以不聞乎真宰觀其所自原
夫所致臨庭目擊雖從陰鑒而來向月心祈允似上天而至來莫
我繫至莫我精棄本不仁故存名而曰水從儀酌號遂表性以稱
明信可薦宗祏祈上清是故祭先展敬類帝昭誠首三酒而上獻
掩五齊以先行招百神之景福致萬姓之惟真無益下人鄙玉漿
於夜漏自求其溢哂珠露於金莖遊原習坎固有旁感處陸騰空
不無元通龍吟雲而致雨虎嘯谷以來風動無千里之煥潤纔百
里之功豈若以握中之瑣細映天上之曠曠精液下融神人以崇
而福祿攸同者乎

文苑
英華

韓愈明水賦曰古聖人之制祭祀必主忠敬崇吉蠲不責其豐乃或薦之以水不可以瀆斯用致之於天其事信美其義惟元月實水精故水其本也明爲君德因取以名焉於是命庾氏候清夜或將祭圓丘於元冬或將祭方澤於朱夏持鑒而精氣旁射照月而陰靈潛下視之不見謂合道於希夷挹之則盈方同功於造化應於有生於無形象未分徒逞離婁之目光華暗至如還合浦之珠旣齊芳於醴酒詎比賤於潢汙明德未罄神功不宰於以表誠潔于以誠荒怠苟失其道殺牛之祭何爲如得其情明水之薦斯在不引而自致不行而善至雖辭麴蘖之名實處罇醴之器降於罔

魏殊匪金莖之露出自方諸已似蛟人之淚將以贊於陰德配夫
陽燧夜寂天清煙銷氣明桂華吐耀兔影流精聊設教以取水伊
不注而能盈霏然有象的爾而呈始茫茫以霜積漸微微而浪生
豈不以德叶於坎有類則感形昭在空氣應則通鶴鳴在陰之論
不謬武瞞于谷之道可崇庶令知聖真之無黨驗天地之至公猶
比大羹之貴味幸希薦於廟中

文苑英華

昌黎集

賈稜御溝新柳詩曰御苑陽和早章溝柳色新託根偏近日布葉
乍迎春秀質方含翠清陰欲庇人輕烟度斜景多露滴行塵裏裏
堪離贈依依獨望頻王孫如可賞攀折在芳辰

文苑
英華

陳羽御溝新柳詩曰宛宛如絲柳含黃一望新未成溝上暗且向日邊春嫋娜方遮水低迷欲醉人託空芳鬱鬱逐溜影鱗鱗弄色滋宵露垂枝染夕塵夾堤連太液還似映天津

文苑英華

歐陽詹御溝新柳詩曰東風韶景至垂柳御溝新媚作千門秀連爲一道春柔莢生女指嫩葉長龍鱗舞絮迴青岸輕烟拂綠蘋王孫初命賞佳客幾傷神芳意能相贈一枝先遣人

文苑英華

李觀御溝新柳詩曰御溝迴廣陌芳柳對行人翠色枝枝滿年光樹樹新畏逢攀折客愁見別離辰近映章臺騎遙分禁苑春嫩陰初覆水高影漸離塵莫入胡兒笛還令淚溼巾

文苑英華

馮宿御清新柳詩曰夾道天渠遠垂絲御柳新千條宜向日萬戶
共迎春輕翠含烟發微音逐吹頻靜看思渡口迴望憶江濱裊裊
分遊騎依依駐旅人陽和如可及攀折在茲辰

文苑
英華

陸復禮鈞天樂賦曰何上天之默默有鈞天之可名蓋德至而則
至從無聲而有聲和樂發音與夢寐而潛契精誠自感何耳目之
能營懿乎元德升聞天降靈貺匪同乎搏拊之和豈在乎霄雲之
上感夫心志達乎肌膚都萬物而有喜聞九奏而可娛其靜也寂
寂其動也于于異霜天之鐘應同漢月之山呼胥蟹兮乍有杳冥
兮若無表穆公之休烈爲簡子之祥符以遊以遊實我之獨得不

考不擊豈他人之是愉惟茲至樂信夫元造非天私於二君惟天

響疑當

作焉於有道不然何融融洩洩發於自然萬籟不雜八音相宣

且降惟以入夢知惟德之動夫實深乎骨髓之內豈專於視聽之
前惟無語之有悅何言詞之能全至哉無金石之迭代無宮商之
先後忽變化於合漠韻鏗鏘於妙有既登不死之福庭自諧保生
之仁壽則知夫天可通兮道可守自感應之無差知影響之不苟
降鑒匪遙德音孔昭鄙未善之周武甚盡美之虞韶豈獨聆之兮
四肢酣暢感之兮心神洗滌將使道德之不昧必受如斯之殊錫
者也

此篇今本文苑英華闕名茲據
永樂大典藏舊本文苑英華補

李觀鈞天樂賦曰異哉天帝之樂其可聞乎美矣盛矣神夫至夫
謂其有不見其有謂其無不見其無是惟德盛者能感匪詞工者
足偷故昔秦穆之寐也去乎人閒卽乎天上豁若有遇杳若無妄
太音嘈兮交作上帝儼以延望百神紛紜而齊赴萬變合沓而殊
狀日月正其東西星辰分其背向乃有地祇上謁天仙下朝奕奕
翩翩霓裳羽蓋之薦集砰砰礚礚撞鐘擊鼓之相驚舞之者僂僂
而中節歌之者洩洩而匪驕其疾武足畏其徐文足昭遇之以神
殊季札之觀魯樂而忘味類宣尼之聽韶是知窮深極厚于何不
有罕見其真莫尋其首德聲及於無外協氣積於虛受咳矣乎樂

以和和之至而天用作天之神而樂克宣其動也與元氣迭運其
靜也與太虛相全噫乎哉不可階升者天道但見夫乘虛躡浩乍
如周文之夢實異季路之禱獲視天樂之和糴神工之擊考是天
之所合道不虛行九奏未終初疑八份三嘆既退方異六英徒觀
夫鏗銘之內響優柔之正聲六幽爲之震魄七曜爲之重晶而莫
識其曲達其情既覺既悟如喜如戚天樂之遺音在耳天神之仿
像猶覩顧何德而承之受祉於天錫

文苑
英華

裴度鈞天樂賦曰嘉大樂之同和惟上帝之申錫豈功成之可致
必神遇而來覩吉夢足徵奇音無敦爰昇天表備聽乎繳如繹如

方悟人閒徒聞平擊石拊石想夫秦穆趙簡遊魂太清下連霄而
無覺上和奏而有聲感之深殊九變之出神而化異三代之名則
知昭假於下潛通在上俾晝作夜旣尙寐而冥濛好樂無荒乃克
諧而瀏亮翕然並作隱爾盡暢所以娛其精誠所以滌夫昏妄旣
而受天錫降天衢空恍惚於冲漠猶髣髴於虛無餘響愔愔而在
聽撫躬眇眇而異途原夫育萬靈騰九有縱未央之娛樂表不息
之悠久永爲二主觀樂鈞天假夢中之高會豈邦內之驪然未若
我皇沖一氣而獨運協六律而相宣發善令爲鐘鼓播仁聲於管
絃將興慶於乾坤之內非取樂於耳目之前不識不知順天之道

傍流喜氣甯候於鏗鏘盡得歡心詎資於擊考斯乃常聞於率土
不閤於重霄致中和而廣被誠教化之孔昭是曰鈞天之樂也又
何萬舞之與九韶

文苑
英華

陸復禮中和節詔賜公卿尺詩曰春仲令初吉歡娛樂大中皇恩
貞百度寶尺賜羣公欲使方隅法還令規矩同捧觀珍寶麗拜受
聖心崇如荷邱山重思酬方寸功從茲度天地與國慶無窮

文苑
英華

李觀中和節詔賜公卿尺詩曰陽和行慶賜尺度爲臣工寵荷乘
佳節傾心立大中短長思合製遠近貴相同共荷教成德將酬分
寸功作程施有用垂範播無窮願續延洪壽千春奉聖躬

文苑
英華

裴度中和節詔賜公卿尺詩曰淑景風光媚皇明寵賜重具寮頒
玉尺成器幸良工豈止尋常用將傳度量同人何不取則物亦賴
其功紫翰宣殊造丹誠勵匪躬奉之無失墜恩澤自天中

文苑
英華

九年

癸酉

十一月乙酉南郊大赦天下制曰天下有蘊德懷才隱居不仕委
所在觀察使表薦當以禮邀致諸色人中賢良方正能直言極諫
或博通墳典達於教化或詳練故事長於著述或精習律令曉暢
法理或該明吏術可委理人或洞識韜略堪任將帥者委所在州
府長吏及臺省常參官詳錄行能舉奏並限來年七月內到京朕

當親試

唐大詔令集

陸宣公集

冊府元龜

載此制作天下有

府長吏具名迹聞薦諸色人中有賢良方正能直言極諫或博通

墳典達于教化或詳明政術可以理人者委常參官及州府長吏

各舉所知聞奏

朕當親自策試

進士三十二人

是年試平權衡賦以晝夜平分銖鈞取則為韻風

苑論

狀元

柳宗元

送苑論

登第後歸觀詩序

八年冬余與馬

交稚量其志知其達於昭代究其文辨其勝於太常探而討之則

明韜於樸厚之質行浮於休顯之間游公卿之閒質直而不犯恪

謹而不攝交同列之羣以誠信聞余拜而兄之以為執誼而固臨

節不奪在兄而已是歲小司徒顧公守春官之缺而權擇士之柄

明年春同趨權衡之下並就重輕之試觀其掉鞅于術藝之場遊

刃乎文翰之林風雨生於筆札雲霞發于簡牘左右闕視朋儕拱

手甚可壯也二月丙子有司題甲乙

之科揭於南宮余與兄又聯登焉

穆寂

貞元九年穆寂榜是

寂為狀元誤 嘉話錄貞元末太府卿韋渠牟金吾李齊通度支
裴元齡京兆尹嗣道王實皆承恩寵事薦人多得名位時劉師老
穆寂皆應科目渠牟主持穆寂齊運主持師老會齊運朝對上嗟
其羸弱許其致政而師老失授故無名子曰太府朝天昇穆老尙
書倒地落劉師 釋皎然送穆寂赴舉詩曰天子錫元纁傾山禮
隱淪君拋青霞去榮資觀國賓劍光既陸離瓊彩何璘玢鳳駕別
情遠商弦秋意新冥冥鴻鵠姿數尺看蒼髮殘寇近宋郊西行
惡颺塵立身素耿介處難思經綸春府搜才日高科得一人
幸南容 永樂大典引元一統志幸南容貞元九年與柳子厚同舉
進士又引瑞陽志幸南容高安人 柳宗元送幸南容歸
使聯句詩序渤海幸君既登于太常之籍又云我同升之友韓注
南容與公同登進士第 嘉話錄唐柳宗元與劉禹錫同年及第
題名於慈恩塔談元茂乘筆時不欲名字彰者曰押縫版子上者
率多不達或卽不久物故柳起草暗斟酌之張復元已下馬徵鄧
文佐名盡著版子矣題名皆以姓望而幸南容人莫知之元茂聞
筆曰請幸先輩言其族望幸君適在他處柳曰東海人元茂曰爭
得知柳曰東海之大無所不容俄而幸至人問其望曰渤海眾大
笑慈恩題名起自張莒本于寺中閒游而題其同年人因為故事

柳宗元

舊書本傳曾伯祖奭高宗朝宰相父鎮太常博士終侍

為侔精裁密綴璨若珠貝當時流輩咸推之登進士第唐才子

傳柳宗元字子厚河東人貞元九年苑論榜第進士又試博學宏

詞授校書郎韓愈柳子厚墓誌銘子厚少精敏能取進士第斬

然見頭角其後以博學宏詞授集賢殿正字五百家注引樊氏曰

子厚登第年二十一劉禹錫柳君文集序子厚始以童子有奇

名于貞元初至九年為名進士柳宗元與楊誨之第二書云吾

年十七求進士四年乃得舉又先侍御府君神道表貞元九年宗

元得進士第上問有司曰得無以朝士子目進者乎有司以聞上

曰是故抗奸臣賈參者耶吾知其不為子求舉矣又送蔡秀才下

第歸觀序僕之始貢于京師著者卦之曰是謂望之末覩隱而未

見矐乎遠而有榮者也今茲歲在鵠首至九年癸酉子厚遂登第西

宗說注云貞元七年辛未歲在鵠首至九年癸酉子厚遂登第西

與長合壽劉禹錫舊書本傳禹錫字夢得彭城人祖雲父淑仕

星屬辰也歷州縣令佐禹錫貞元九年擢進士第又登

宏詞科權德輿送劉秀才登科後侍從赴東京觀省序每歲儀

曹獻賢能之書於王然後列於祿仕宣其績用耳小司徒以楚金

餘引受詔兼領彭城劉禹錫實首是科劉禹錫夔州刺史謝上

表臣貞元年中三忝科第蘇州刺史謝上表謬以薄技三登文科

又作子劉子自傳云禹錫既冠舉進士一談元茂張復元劉

幸而中試閒歲又以文登吏部取士科

錫送張盥赴舉序古人以借受學為同門友今人以借昇名為同

年友余與張盥為丈人由是道也又贈詩云永懷同年友追想出

谷晨三十二君子齊飛凌烟旻按唐人為同年之父為馬徵柳

同年丈人禹錫蓋與張盥之父同年疑即張復元侯考武儒衡與柳宗

元御史馬君墓誌嗣子鄧文佐話錄武儒衡元同升禮部見

徵由進士為右衛胄曹李朝武儒衡墓誌銘公字庭碩年二十

四得進士第以長慶四年卒年五十六推之是年當二十五歲

許志雍韓愈送許郢州序考異引樊注志雍安邱絳劉禹錫

承詩引河南邱絳有詞藻與余同升進士科從事鄴下不幸遇害

舊書田承嗣傳有進士邱絳者嘗為田緒從事及季安為帥絳

與同職侯臧不協相持爭權季安怒斥絳為下縣尉穆員新書

使人召還先掘坎于路左既至坎所活排而瘞之

員字

與直 按員

即甯第三子

盧景亮

元稹酬白學士代書一百韻詩注先是穆員盧景亮同年應制俱以詞直見黜舊

書文苑傳盧景亮字長晦

幽州范陽人第進士宏詞

邱穎

權德輿送邱穎應制舉序云邱侯前年舉秀才上第按穎於十

年登制科當亦

九年登進士也

薛公達

新書薛播傳子公達擢進士第昌黎集有祭薛公達助教文五百家注引樊

曰公達字大順貞元九年登第又薛君墓誌

銘始舉進士不與先輩揖作胡馬及圓丘詩

衛中行

昌黎集有與衛中行

書五百家注引集注云中行字大受御史中丞晏之子貞元九年

進士昌黎集又有監察御史衛之元墓誌銘即中行兄也劉禹

錫送張盥赴舉詩序吾不幸向所謂同年友當其盛時聯袂齊鑣

互絕九衢若屏風然今來落落如曙星之相望然而尚書右丞衛

大受兵部侍郎武廷碩二君者當時偉人咸萬夫之望足以訂

十朋之多也呂溫韋夏卿碑言開府辟士有中山衛中行

杜行方

鄭幹杜府君墓誌公諱行方字友直京兆杜陵人曾祖元志王父參謨烈考倫公弱冠遊國庠以明經擢第釋褐任

右司禦率府曹叅軍以太和七年年六十推之弱冠當在是年

鄭滌於十年及第為行方姨弟不言是同年故疑在此年也

裴杞

見文苑英華

陳璣

見文苑英華

吳祕

見文苑英華

李宗和

見文苑英華

陳祐

見文苑英華祐一作佑史員外詩云明州長史外臺郎憶昔同年翰墨場

劉禹錫

有贈同年陳長

明經科

元稹

舊書本傳稹字微之河南人曾祖延景祖排父寬稹八歲喪父其母鄭夫人賢明婦人也家貧為積

自授書九歲能屬文十五兩經擢第

侯鯖錄載元微之年譜云貞元九年微之明經及第

劇談錄元稹年少以明經擢第一常

結交於李賀一日執贄造門賀覽刺不容遽入

僕者謂曰明經及第何事來看李賀稹慚而退

諸科八人

博學宏詞科

試太清宮觀紫極舞賦顏子不貳過論見洪興祖韓

李觀裴度陸復禮按李裴陸三人已于去年登宏詞洪氏誤載

文苑英華太清宮觀紫極舞賦以大樂與天地同和為韻按韓

昌黎集有顏

子不貳過論

張復元

見文苑英華

李絳

見文苑英華

登科記考

卷十三

七

知貢舉

戶部侍郎顧少連

柳宗元送苑論序韓注戶部侍郎顧少連權禮部侍郎知貢舉

丁居晦

重脩承旨學士陸記云顧少連貞元七年遷中書舍人八年四月改戶部侍郎賜紫金魚袋

劉禹錫平權衡賦曰惟天垂象惟聖作程播二氣而是分晷度立五則而在審權衡上穆天時應陰陽之克正下統人極俾準繩而惟平於是黍累無差毫釐必究等度量而化通遠邇體不均而勢行宇宙當其夾鐘中律南呂戒候銅渾應節於寒暑玉漏方齊乎宵晝繇是命有司而申令考前王而是遵權輕重以審則中規矩而和鈞事垂文兮風傳乎千古道如砥兮日用於兆人懿夫正以處中平而立矩命其同也有虞之制克彰稱其謹焉宣父之言可

取故能用該仁里象台天文既左旋而右折量輕併而重分持平
罔虧可爲範於秉鈞之佐蒞信惟一將有助於執契之君不然則
何以懸之而息彼奸詐正之而協於晨夜得平則正我之道兮允
執厥中益寡裒多衆所用兮不言而化化之有孚功莫可踰立規
程罔慚夫龜鏡揣鈞石甯失乎錙銖匪假垂鈞而其用不匱何勞
剖斗而所爭自無方今百度惟貞萬邦承則順時設教兮靡不獲
所同律和聲兮允臻其極玉衡正而三階以平七政齊而庶政不
忒矣美君臣之同體猶權衡以台德宰準繩之在心庶輕重之不

惑
英文苑
英華

李宗和平權衡賦曰王者統四時均五則彼權衡之爲準驗陰陽
之不忒鈞深致遠黍累於焉靡差稱物平施暑度由之斯得惟權
也分其重惟衡也取其平明乎國經固懸茲以垂範掌乎天秩如
用茲而永貞衡任權以鈞物權資衡以作程故一人體之以清萬
國萬國仰之而庶政以成當其元鳥司分疇人敬授既量諸夕又
測其晝盈虛氣等何藉于土圭日夜時分已傳於玉漏莫不同度
量以應其茲原注疑平權衡以協其候苟順氣以頒節實從時而不
謬其功斯博其道式孚諒同君原注疑於遠近故不失於錙銖俾稱
物者守之無易掄材者持之罔渝皇矣我君康哉神化萬方取則

自得於均平二氣尙分無愆於晝夜不然者何以佐璿璣之斟酌
調元氣以綱盭申乎舊章孰以權衡之大匪無同異所季

原注
疑春

秋之分齊其輕重等其規矩豈鈞錙之是待在準繩而有取固將
平邦國亦以敘彝倫七政惟齊有符乎應天之運百工咸賴實資
乎秉國之鈞宜其平域中而齊律度貞天下而利黎人惟正直可
法惟中平可均夫如是則權衡者蓋亦考茲義而是遵

文苑
英華

陳祐平權衡賦曰俾民不迷茲器維則行之而萬象正動之而天
下直一人不宰命任權者必公百辟以孚在持衡者守德此蓋國
之恆準教以順行雖因時以考正乃假人而後成權之垂或俯下

而斯重衡之正乃得一以至貞忠以自勝直哉惟清物無偏以表
德器守公而作程動必推移佐璿璣而克正靜無假仰若太階之
既平斲夫衡之誠懸德乃是茂秉中正以不惑在毫釐而何謬眾
星分列若厯厯以拱辰一權下臨正亭亭而當晝斯斟酌之所以
俾名實以相副者也爾其觀象取則其數可陳積而成重銖以和
鈞稱物平施則其道無極從時利用乃有命惟新既審度而攸準
夫何患乎不均安則無傾正以順化四時行令必因其陰陽一德
奉天諒貞夫日夜是知分寸相生成乎象盈虛有準觀夫文因黃
鍾以起數應元鳥之司分爾乃七政允脩五常斯覩爲時德也誠

金義而木仁爲器法焉乃左旋而右矩既輕重之必審雖細微而待取平之爲美曲逆終作漢臣中以見稱伊尹是爲殷輔茲乃衡之爲道也可大權之爲義也斯乎繩從則正德不可誣動不欺於黍累用有識於分銖若夫求平之至者執中之謂乎

文苑
英華

張復元風光草際浮詩曰纖纖春草長遲日度風光
羅靡含新彩
霏微籠遠芳殊姿媚原野佳色滿池塘最好垂清露偏宜帶豔陽
淺深浮嫩綠輕麗拂餘香好助鶯遷勢乘時翼便翔

文苑
英華

裴杞風光草際浮詩曰澹蕩和風至芊綿碧草長徐吹遙撲翠半
偃作浮光葉似翻霄露聚疑扇夕陽透迤明曲渚照耀滿迴塘白

芷生還暮崇蘭泛更香誰知攬結處含思向餘芳

文苑
英華

陳璫風光草際浮詩曰春風泛瑤草九日遍神州已向花閒積還

來葉上浮曉光綠圃麗芳氣滿街流澹蕩依朱萼颺颺帶玉溝向

空看轉媚臨水見彌幽況被崇蘭色王孫正可遊

文苑
英華

吳祕風光草際浮詩曰草色春沙裏風光曉正幽輕明搖不散郁

昱麗仍浮吹緩苗難轉暉閑葉本柔碧疑烟彩入紅是日華流耐

可披襟對誰應滿掬收恭聞掇芳客爲此尙淹留

文苑
英華

陳祐風光草際浮詩曰秀發王孫草春生君子風光搖低偃處影

散黠陽中稍稍移蘋末微微轉蕙叢浮烟傾綠野遠色澹晴空泛

彩池塘媚含芳景氣融清暉誰不挹幾許賞心同

文苑英華

張復元太清宮觀紫極舞賦曰樂者所以諧萬國舞者所以節八風故元宗制紫極之舞朝太清之宮俾觀舞以知德德以容備省風以作樂樂以文同吾君纘道紀脩祖功將有事以朝獻必斯舞之是崇方其一人在庭羣后列位奉常執禮以恭命太樂陳儀而藏事望聖主以龍升見舞童而磨至舞之作矣應其度而展其容樂乃徧焉動於天而蟠於地其始也顧步齊進跼蹐有序旣乍抑而復揚遂將墜而還舉始躡跡以盼睐每動容於取與陳器用之煌煌曳衣裳之楚楚觀乎俯仰迴旋乍離乍聯輕風颯然杳兮若

俯虹霓而觀列仙飄飄遷延或却或前清宮肅然儼兮若披雲霧而覩青天惟紫也取紫宮之清惟極也明太極之先用之則邦國之光備施之則中和之氣宣徐而匪濁比上帝鈞天之樂靜而不過小圓丘雲門之和亦何必持彼羽旌方聞乎得禮執其干戚然後爲止戈彼延陵空嘆于象箭宋玉徒美其陽阿詎能合天地之大德調陰陽之大訛者乎洪惟我后遵祖爲大道其樂使萬物無不宣飾其容使兆人無不賴客有觀而作頌願播之於九域之外

文苑
英華

李絳太清宮觀紫極舞賦曰開元中賜海內以正朔示天下以禮

樂舞紫極於宮庭饗元元於雲幄乃樹以旌旃設以宮懸由中出以表靜用上薦於告虔盛德之容昭之於行綴至和之節奉之以周旋激乎流音之下存乎大樂之先入佾以敷肅然舞於清廟九奏之作杳若享乎鈞天如是則文始不得盛於漢日大章未可比於堯年振萬古而獨出豈百王之相沿泊乎秉翟而敘候樂以舉協黃鍾歌大呂乍陽聞於簫管忽陰閉於祝敔淹速以度正直是與若中正而離立復徐動而進旅和之感物應鳥獸以蹠蹠禮以成文垂衣裳之楚楚由是俾有司夙夜在公候吉日鼓鐘于宮方將萬舞爰節八風于以易其俗于以告厥功因乎所有制在其中

申敬也其恭翼翼宣滯也其樂融融齊無辭於合莫感有情而統
同則其業之所肄習之則利作茲新樂著爲故事享當其時舞於
此地退而成列周廟之干戚以陳折而復旋魯宮之羽籥斯備美
乎冠之象以翼翼舞其容以僎僎合九變之節動四氣之和散元
風以條暢洽皇化之宏多是時也天地泰人神會舞有容歌無外
故曰作樂以象德有功而可大

文苑
英華

十年

甲戌

十月癸卯御宣政殿試賢良方正能直言極諫等舉人

舊書本紀
歐陽詹

與張尚書書云夫秋遠應直言
極諫詔不逮試卽此年制舉也

以官授賢良方正能直言極諫前進士裴珣等一十人

冊府元龜
繫此事於

九月丁丑唐會要又載於十二月按十月御試固知
九月授官之誤而十二月又失之過遲故俱削之

進士二十八人

是年試風過篇賦見西陽雜俎按文苑英
華風過篇賦以無爲斯化有感潛應爲韻

陳諷

狀元見廣卓異記引登科記

文

范傳正

傳正字西老貞元十
年舉進士見柳宗元

苑英華注陳諷貞元十年及第

祭李中丞文注

舊書良吏傳范傳正南陽順陽人舉進士又以

博學宏詞及書判皆登甲科授集賢殿校書郎

西陽雜俎范傳

正中丞舉進士省試風過

李逢吉

舊書本傳逢吉字虛舟隴西
人祖顏父歸期逢吉登進士

蕭賦甚麗爲詞人所諷

第
陳通方

永樂大典引閩中記陳通方閩縣人貞元十年及第
人及第閩川名士傳陳通方閩縣人貞元十年及第

少連下進士及第時爲公道大開採掇孤俊通方年二十五第

人及第以年少名高輕薄自負與王播同年王時年五十六通方

薄其成事後時因期集戲拊其背曰王老王老奉贈一第言其日

暮途遠及第同贈官也王曰擬應三篇通方又曰王老一之爲甚

其可再乎王心每貯之通方尋值家艱還歸王果果捷高科官漸
達通方後履人事人關王已丞郎判鹽鐵通方窮悴寡坐不知王
素銜其言投之求救同年李虛中時為副使通方亦有詩相之求
為汲引云應念路旁憔悴與昔年喬木幸同遷王不得已署之江
西院官赴職未及其所又改為浙東院僅至半程又改與南陵院
如是往復數四困躓口甚退省其咎謂甥姪曰吾苟戲謔不知王
生遽為深憾人之於言豈合容易哉尋值李虛中見上韓愈
王真拜禮分懸絕追謝無地悵望病終

銘虛中字常容進士及第按即創為命書

李虛中 見上 韓愈
舊書本傳播字

者五百家韓注以虛中十一年登第誤

王播 舊書本傳播字

州司馬祖昇咸陽令父恕揚州參軍播擢進士第登賢良方正制

科唐詩紀事王播少孤貧嘗客揚州惠照寺木蘭院隨僧齋煢

僧厭怠乃齋罷而後擊鐘紀播自重位出鎮是邦因訪舊游向

之題名皆以碧紗幕其詩播繼以絕句曰三十年前此院游木

蘭花發院新脩如今再到經行處樹老無花僧白頭上堂已了

各西東慙愧罔黎飯後鐘三十年來塵撲面而今始得碧紗籠

鄭潮 舊書鄭餘慶傳餘慶子潮潮本名潮以文宗滿邸時名同改

名潮貞元十年舉進士昌黎集有送鄭潮被理序五百家

注引補注涵第進士

豆盧署

太平廣記引傳載豆盧署本名輔

餘慶時為東都留守

待之謂曰子複姓不宜二名吾為子易之乃署署著助三字授之

曰吾恐子羣從中有同者子自擇焉是夕夢老父告之聞使君與

君易名君當四舉成名四者甚佳又曰君後二十年牧茲郡又指

一方地曰此處可建亭臺既寤因改名署後已再下第又二舉後

復不第又二舉及成名蓋自改名後四舉也後二十年果為衢州

刺史于所夢之地立徵夢亭按前定錄作貞元六年舉進士下

第既二年又下第後二柳立河東柳立見柳宗元四門助教廳

年果登第故知在此年柳立壁記韓注貞元十年立中進士

李頤

太平廣記引感定錄貞元中有舉人李頤方就舉聲價極振忽夢一人紫衣云當禮部侍郎顧少連下及第寐覺省

中朝並無姓顧者及頤有人通刺稱進士顧少連謁頤驚而見之

具述當門生顧曰某纔到場中必無此事來年頤果落第自此不

入試罷歸至貞元九年顧少連自戶部侍郎權知貢舉頤又未第

因潛往造焉臨放榜時相特囑一人頤又落但泣而已來年秋少

連拜禮部侍郎頤乃登第

按貞元中當作大厯中

席夔

錄席夔行八貞元十年進士

齊昭五百家韓注樊氏曰登科

夏方慶見文苑英華按陳羽有伏翼洞送夏方慶詩

見荆公百

家詩選

明經科 張口昌黎贈張童子序童子生九年自州縣達禮部一舉而進立於二百人之列又二年益通二經有司

復上其事繇是拜衛兵曹之命按童子以貞元八年舉童子科此年又明經及第也

諸科二十六人

賢良方正能直言極諫科 裴埒見冊府元龜唐會要 舊書本傳字宏中河東聞喜人弱冠舉

進士貞元中制舉賢良極諫對策第一授美原縣尉 劉禹錫韋

處厚集序德宗朝天水姜公輔杜陵韋公執誼河東裴公埒以賢

良方 王播見冊府元龜唐會要 李宗閔王播神道碑銘貞元

正徵 王播十年舉進士第是年策賢良以直言校書于集賢殿

以太和五年卒年七十二推之是年三十 朱諫見冊府元

五歲閩川名士傳以為五十六歲者誤 裴

度見冊府元龜唐會要舊書本傳應制舉賢良熊執易見冊

龜唐許堯佐見冊府元龜唐會要權德輿送許協律判官

會要西川序十年冬子與今左曹相君兵部郎崔君同

受詔禁中雜閱對策以第其等將命于庭有請程百職之功緒者

且以郎吏諫曹為言時相君為吏部郎崔為右補闕因相顧曰直

言者方議切吾黨其可捨諸子撫手賀之以為得雋及後詔下徵

他日之詞則許生也按許生當即堯佐唐詩紀事許康佐諸弟

皆第進士而堯佐最先進又舉宏詞新書許徐宏毅見冊府

康佐弟堯佐擢進士第又舉宏詞為太子校書元龜唐

會杜穀見冊府元龜崔羣見冊府元龜唐會要柳宗元送崔

要杜穀見冊府元龜崔羣見冊府元龜唐會要柳宗元送崔

說注云貞元十年羣舉皇甫鏞見冊府元龜唐會要舊書本

賢良方正授校書郎皇甫鏞見冊府元龜唐會要舊書本

文學制科容齋續筆唐德宗貞元十年賢良方正科十六人裴

垣為舉首王播次之隔一名而裴度崔羣皇甫鏞繼之六名之中

連得五相可謂盛矣而邪正實不侔度羣同為元和宰相而鏞以

聚斂賄賂亦居之度羣極陳其不可度恥其同列表求自退兩人

並斗已考

竟為鐫所毀而去且三相同時登科不可為無事分而玉石雜糅
薰蕕同器若默默充位則是固寵患失以私妨公裴崔之賢誼雖
以處也按此是崔羣皇甫鐸名在裴王仲舒見冊府元龜唐
度之次令冊府元龜唐會要傳鈔誤也王仲舒會要舊書文
苑傳王仲舒字宏中太原人不就鄉舉貞元十年策試賢良方正
能直言極諫利仲舒登乙第超拜右拾遺權德輿吏部員外郎
南曹驛壁記太原王仲舒貞元十年冬繇諸侯部從事賢良對策
歷左右諫列儀曹考功郎韓愈王仲舒神道碑銘貞元初射策
拜左拾遺又許季同見冊府元龜仲子陵見冊府元龜唐會要
見墓誌銘許季同見冊府元龜仲子陵見冊府元龜唐會要
陵蜀人舉賢良方正權德輿仲君子陵墓誌銘貞元十年舉賢
良方正拜太常博士又司門員外郎壁記鼓城仲子陵脩詞而
仕說經鄭士林見冊府元龜邱穎見冊府元龜唐會要權德
有師道鄭士林龜唐會要邱穎與有送邱穎應制舉序按
邱穎與韓昌黎同為董晉幕客昌黎寄周員外詩云陸孟邱楊久
作塵同時存者更誰人其言邱即穎也按容齋續筆是年賢良
方正科十六人楊嗣復權文公集序又作
升名者十七人此祇十五人當有奪佚

博通墳典達於教化科

朱頴

見冊府元龜唐會要

詳明政術可以理人科

張平叔

見冊府元龜唐會要

李景亮

見冊府元龜唐會要

博學宏詞科

洪興祖韓子年譜引科第錄十一年試朱絲繩賦冬

議諸本作貞元十年應博學宏詞是洪氏譜誤

陳諷

見文苑英華記陳諷貞元十年進士狀元及第

當年宏詞

王太真

見文苑英華

庾承宣

見文苑英華

知貢舉

戶部侍郎顧少連

見唐語林

柳宗元與顧十郎書云門生守永州司馬員外置同正員柳

宗元謹致書十郎執事大凡以文出門下由庶士而登司徒者七十有九人韓注貞元九年十年顧少連以禮部侍郎知貢舉取進士六十人諸科十九人按進士之數與登科記符諸科疑有誤字

范傳正風過簫賦曰風爲氣兮海暢簫在物而虛受何相會於自

然合無情於妙有泠泠斯韻習習占久如聞松蓋之顛甯比土囊
之口颯爾而至鏘然輒隨響幾度以俄遠聲成文而不虧其虛其
實是可披襟而納以條以暢何煩鼓腹之吹彼孔雀下降鳳皇來
儀雖見美於格物豈不慙於有爲彼簫之韻惟風所借或激越於
清曉或淒涼於永夜寂寞之內爰生不考之音希夷之間是合不
言而化謂越客乍疏其遺響謂秦女遙度其仙駕散彼寥夔復於
沈潛被治國之風以安以樂在敬心所感乃直乃廉動有輕重應
無洪纖解慍且和可並鼓琴之唱不姦而順亦其從律之占若乃
察其所感蓋有符於元漠豈惟契於閒澹賴之所之智之所知誠

萬殊之舛錯終一貫而逶迤風從武兮飄忽蕭象鳳兮參差何體
異之如彼而音同之若斯豈不以宮商所合唱和爲稱類霜鐘之
暗叩同灰管之潛應時然後起風匪躁求激而乃揚蕭爲靜勝彼
鈞天之音舛蠶洞庭之樂虛無豈比風簫之感召亦由律呂之相
須異搜奇於蔡笛鄙濫吹於齊竽徵顏成南郭之言浩然難究擬

宋玉王褒之賦庶或同途

文苑
英華

夏方慶風過簫賦曰風之過兮一氣之作簫之應也眾音以殊雖
高下以異響終台散而同途體宮商而自得韻清濁以相須動必
造適用當其無宜然理順昭與道俱以由一人之化爲而不有萬

物之心以虛爲受帝於何力各自遂其生成天且不言乃能恆於
悠久觀夫指大塊之噫氣裁眾管而聲隨始颺颺兮清越終杳杳
以逶迤邈而聆之初疑白武方嘯近而察也旋驚丹鳳來儀知化
本之有朕見天籟之在斯道固無名物罔不感彼命宮而商應信
陽舒而陰慘雲何事而從龍水何情而習坎故達人作用而虛清
其心大道不疵乃滌其元覽之風也扇其輕重之簫也應以洪纖
彼若疾而飄我則以號以噉彼若和而靜我則若沈若潛曷異夫
暴心感而竊以屬敬心感而直以廉爾其斷續清空蕭寥永夜歷
虛無而輕颺自遠拂松竹而幽韻相借微聞闕下伴金奏之發天

庭迴徹雲中疑笙簫之隨羽駕莊生託之以齊物子綦由是而觀
化化之至矣茲焉可知風乃不私其用簫亦自得其宜元元立言
事無事我后垂拱爲無爲君子曰風簫也原注不爭其善勝契
不言而自應是將觀彼以化成豈獨因之而比興文苑英華

王太真朱絲繩賦曰達者覩物而自識眷繩而象直白能受采知
成用而可脩樂匪在音遂執中而有得諒絲繩之爲物類託質以
自植幸操張以一伸任縱橫而取則故能貞而守正勁以全真含
至和以不屈抱孤直以誰隣若剛克以自致諒柔立而有音齊達
人之履道比君子之脩身久而莫渝豈紅紫之見奪勁而不撓非

糾纏疑作

之爲倫當其浼水初滋勢如束理女工爰作視其所以

如積微於杪忽遂立質於經紀察其本同成經以自綸喻平時表
直道以如砥挂端標以有準持正色而爲美將配德於清壺願齊
名於直矢故能從繩作直因物寓詞苟一繩之可法將百行以爲
師義足仰而象矣理自中而得之直可自作奚感鮑君之與色非
我行徒興墨子之悲將勁挺而自守庶回邪而不欺俾夫取象師
心必由斯道考朱絲之外物得素尙於中抱奚水鑑之足徵詎韋
絃之是保觀夫正不與奸色儔勸吾人之聿脩直不爲虛聲枉俾
吾人之取象故能名昭樂曲義暢人謨鄙在禁而不理賤爲直以

就汙顯處微而自正終守直而不渝足以詭良材而轉難操端循
賢而喻通途苟中正之可進願從繩而已乎

按文苑英華此賦闕
名永樂大典載作王

太真今
從之

庾承宣朱絲繩賦曰絲之爲體兮柔以順德絲之爲用兮施之則
直從其性而不改成其音而不忒故君子體直以爲象履中而立
身豈委曲而取媚將勁挺而惟新既端懿以難正想高張而莫倫
初未爲絃兮信任其舒卷既比夫矢也諒難乎屈伸甯懼不合於
眾而改操不同其類而易直雖立質以假物立音而因人敦夫愴
氏之功辨夫圓客之養非繞指以可悅將如絲而是仰志士以是

而興嘆詩人因此而取象清廟之瑟非我而莫聞空桑之琴非我而奚響惟直是與惟端是求惡靡然以從俗恥紛若以隨流天心保真側媚見而用悔

原注疑

神道助正審謂鑒而無憂信乎去邪以

受福孰不履正而身脩聞其色兮未嘉素其質兮孰美信挺挺而直繩是若固奕奕而渥丹無比欲眾之好我染之而匪他知代之惡邦直之而有以非矯其俗將遷其時甯三時而有贊諒一向而無疑道在斯而爲得文捨此而何之古所以嗟是非而莫分怨邪正之難考多將任情而媚俗鮮能率性而行道何不鑒朱繩而獨異與羣類而且殊其美雖偶其道則孤儻斯言而是當又可得而

已乎

文苑
英華

陳諷冬日可愛詩曰寒日臨清晝寥天一望時未銷埋徑雪先暖
讀書帷屬思光難駐舒情影若遺昔臣曾比德謝客昔言詩散采
甯偏照流音信不迫餘燼如可就迴燭幸無私

文苑
英華

庾承宣冬日可愛詩曰宿霧開天霽寒郊見初日林疎照逾遠冰
輕影微出豈假陽和氣暫忘元冬律愁抱望自寬羈情就如失欣
欣事幾許瞳瞳狀非一傾心儻知期良願自茲畢

文苑
英華

南菁書院叢書